



सानसेयारि 'बड'सा' खरीरालाइयाव समाज्यादि जिज्जो लोब्बा धानाय रायथाय, रन्ध्याय, बल, बलबाथा आरो दावबायारि थावनि, पार्क बाइदिबि स्यायाव लिन्नाय लिन्बिबां बैथाय ठर। सानसेयारि 'बड'सा' खरीरालाइया सेबरानाबै फोखावगेन।

बड'स्यायाव लिन्ठरनायनि दुबा खालाम, 'बड'सा' खरी नोथो, जो बयबो आंगो खालाम।

सानसेयारि बड'सा मावखुनि
माइवं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 28 August, 2024 Kokrajhar, BTC, Assam ★ Vol.- 34, Issue No.153 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

कक्राझार जिल्लायाव
163 बिएनएसएस
धारा फोसावदों

26 जानुवारीआव आनि न'आवनो बमा बेरफ्रुहो,
नांगौब्ला आनो बिरलांथो: ड० हिमन्त बिश्व शर्मा

बर' बिजोनि जेनाखौ लानानै एबसुआ आसामनि
सोलोथाइ मन्थि ड० रनज पेगुजों सावरायज्जायदों

कक्राझार, 27 आगस्ट: राइज्योनि आयेन-आबुथिनि फार्से नोजोर होनानै बिटिसिनि सदर कक्राझार जिल्लानि गोजोन थासारि आरो रेखाथिखौ लाखिलांनयनि थांखिजों गोखैयै मावफुंजानाय बायदिये दिने जिल्ला खुंथाया 163 बिएनएसएस धारा फोसावो। मख'नो गोनांदि, कक्राझारनि जिल्ला बिजिगरिगि (□ 5 बिलाइआव)

गुवाहाटी, 27 आगस्ट: '15 आगस्ट, 26 जानुवारीआव आनि न'आवनो बमा बेरफ्रुहो। नांगौब्ला आनो बिरलांथो। नाथाय टाटाखौ आसाम नागरालांनो गोनांथि दाजा होथों।' -दिने आसाम आयेन आफादआव आलफा (उद) नि गाहाइनिस्मि आसामनि गिबि मन्थि ड० हिमन्त बिश्व शर्माआ बेबायदि बिबुंथि लाखियो। (□ 5 बिलाइआव)



कक्राझार, 27 आगस्ट: दुलाराय बर' फरायसा आफादिनि आफादिगिरि दिपेन बर'नि दैदेनाय एबसुनि मोनसे थान्दै हान्जाया दिने बर' बिजोनि जेनाफोरखौ बोसांनानां गौनि आयदाखौ लानानै आसामनि सोलोथाइ मन्थि ड० रनज पेगुजों मोनसे गोनांथार मेल जथुमदों। गुवाहाटीनि जनता भवननि गोजाम सिएम ब्लकआव खुंनय (□ 5 बिलाइआव)



हिन्दुफोरा मुसलमानखौ बरायनानै लायो, नाथाय
मुसलमानआ बरायनानै लाया: गिबि मन्थि ड० शर्मा

कक्राझारनि माखासे मन्दिरफोराव एमपि
जयन्त बसुमतारिआ बोर) लाफैदों

दिपक कुमार बसुमतारिआ सुबुं फोनांजाबनि
उफ्रा बिथोनगिरि महै प्रमसन मोनबाय

गुवाहाटी, 27 आगस्ट: गिबि मन्थि ड० हिमन्त बिश्व शर्माआ दिने आसामनि सुबुं सानखोखौ लानानै बिधान सभायाव गोनांथार बिबुंथि होयो। सुबुं सानखोखौ लोगोसे हिन्दु-मुसलमाननि रेखाथिखौ लानानैबो गोनांथार बाथा फोरमायो गिबि मन्थि ड० शर्माआ। गिबि मन्थि ड० शर्माआ बुझेदि, 'सुबुं सानखोखौ सोलाय-सोल' खालामनाया दानिया जोबोर गोब्राव। 2011 नि सेन्सासनि बायदिब्ला हिन्दु आरो मुसलमाननि सुबुं सानखोखौ

नाय। 2011 माइथायाव हिन्दुआ 61.7% आरो मुसलमानआ 35% मोन। उदास्तिनि गिबियाव मुसलमाननि सुबुं सानखोया गासै 22% मोन। जाय समाव सोलोथाइ गोनां सुबुड गथ' जोनोम होनायनि हारआ बाडइ जादों होनानै नुंनय जादों, बे समावो मुसलमाननि गथ'सा जोनोम होनायनि अन्जिमाया बांदों। आपां आसामाव बेनि अन्जिमाया बासिन।' हिमन्त बिश्व शर्माआ बुझेदि, 'गुबै हिन्दु गामियाव (□ 5 बिलाइआव)

कक्राझार, 27 आगस्ट: लकसभा बिसायख'थि 2024 नि बादायलायनि सिगां जायफोर मन्दिरआव इसोरनि बोर लानानै एमपि जयन्त बसुमतारिआ बिसायख'थि बादायलायनायाव ओंखारदों मोन। बेबायदि बिथिडव दिने कक्राझार सहरनि बेंफोर मन्दिरफोराव दिने फिन (□ 5 बिलाइआव)



दिसपुर, 27 आगस्ट: फोरमायथाय आरो सुबुं फोनांजाब बिथोनगिरि मावख'नि जथाय बिथोनगिरि दिपक कुमार बसुमतारिखौ राइज्यो सरकाय गांसे बिथोनमनि गेजेरजों उफ्रा बिथोनगिरि मासिसिम बिबानखौ फोजोखानाय जायो। बसुमतारिआ दिने सुबुं (□ 5 बिलाइआव)

कचुगावआव फबना दोन्नाय
थासारियाव गोबां बिबुंनि
हाथियार बोखानो मोन्दों

कामरुप जिल्ला दुलाराय बाथौ गौथुमआ गुवाहाटी बाथौफुरिनि
बाथौ थानसालियाव आर'ज गाबनाय हाबाफारि बान्जायदों

डिमाकुसि आरो माजबातआव गोदानै
लुनाय दोंथाम लामा बेखेवदों



गसाइगाव, 27 आगस्ट: कक्राझार जिल्लानि गसाइगाव महकुमानि कचुगाव पुलिस थानानि सिडव थानाय सुदेमपुर हाग्रायाव सिग्रोमनाय हाबाफारि लानायनि गेजेरजों फबनानै दोन्नाय थासारिनिफ्राय गोबां बिबानि हाथियारखौ बोखानो मोनो। मिथिनो मोन्नाय बादिब्ला, कक्राझार पुलिसआ मोनसे संगालि सुलुंनि बिथायाव दिने बेलासिनि 5 (□ 5 बिलाइआव)

गुवाहाटी, 27 आगस्ट: कामरुप जिल्ला दुलाराय बाथौ गौथुमनि बान्जायनायाव दिने सप्ताहनि गोथार मंगलबार बारयजों लोब्बा लाखिनानै गुवाहाटीनि बाथौफुरियाव थानाय मिरुनि बाथौ थानसालियाव बाथौ धोरुम सिबियारिफोरनि मोनसे बाथौ आर'ज खालामनाय हाबाफारि लानाय जादों। मख'नाय जायोदि, आसामनि मोनफ्रोमबो जिल्लायाववो जिल्ला दुलाराय बाथौ गौथुमआ सान आरो समखौ रनलायनानै



गुवाहाटी बाथौफुरिनि मिरुनि बाथौ थानसालियाव सप्ताहनि मोनफ्रोमबो मंगलबार बारयाव आर'ज गाबनाय हाबाफारि लानायखौ नुनो मोनबोदों। बेबायदिनो दिनेबो कामरुप जिल्ला दुलाराय बाथौ गौथुमआ (□ 5 बिलाइआव)

उदालगुरि, 27 आगस्ट: उदालगुरि जिल्लानि बाजबातनि लामाबारि आरो डिमाकुसिआव गोदानै लुनाय दोंथाम लामाखौ दिने बेखेवनानै होयो आदिबाशि अन्साइ जोगाखां गौथुमनि मावफुं सोद्रोमा अमृत बेकआ। दिने लामाबारिनि प्रेम बस्तिनि लक्ष्मी मन्दिरनिफ्राय बातखलानि कालि मन्दिरसिम थानाय लामाखौ आदिबाशि अन्साइ जोगाखां गौथुमनि एसअपिडि बिथांखिनि गेजेरजों गोदानै लुनाय लामाखौ



बेखेवनानै होयो। लामाखौ अन्साइ जोगाखां गौथुमनिफ्राय बेखेवनानै मावफुं सोद्रोमा अमृत उदालगुरि जिल्लानि बेकआ बुझेदि, आदिबाशि (□ 5 बिलाइआव)

चिरां पुलिसआ उन्दै हिन्जावसाखौ जिनाहारि
खालामनाय दायनिगिरिखौ हमबाय

सालबारिआव हरियारि दावराव-दावसि, जिनाहारि आरो
ड्रागसनि हेंथायै खुंथाया सांग्रांथियारि मेल खुंदों

दुलाराय बर' आइजो अन्साइ आफादआ
तुलसिबिलनि जिनाहारि खालामनाय
जाथायखौ गोखों रवजों सोंखारिदों

काजलगाव, 27 आगस्ट: जोबथारनायाव चिरां पुलिसआ उन्दै हिन्जावसाखौ जिनाहारि खालामनाय खारखुमाना थानाय जहिरउद्दिन देवानखौ खानो हायो। मैया सानजौफुयाव गोबां आइजो आरो ओन्सोलनि राइजो-राजाफोरा 20 (□ 5 बिलाइआव)



भबानिपुर, 27 आगस्ट: बाक्सा जिल्ला आरो सालबारि महकुमा खुंथायनि बान्जायनायाव दिने बेलासिआव सालबारि महकुमा सदरआव आथिखालनि थासारिखौ लानानै मोनसे सांग्रांथियारि मेल खुंदों। मख'नो गोनांदि, राइज्योनि गुबुन ओन्सोलाव जिनाहारि खालामनाय, हरियारि दावराव-दावसि, समाजआरि गुलाय-गुजाय आरो ड्रागस बाहायनायनि (□ 4 बिलाइआव)



बिजनी सोलौंसालिमायाव सानजारां लक्षेस्वर
ब्रह्मनि थैनाय सान फालिनो साखा-फारा

बाक्सानि सिरालआव बिपिएफ-जिएसपिनि दैदेनगिरि-
मावफारियाफोरा इउपिपिएलआव हाबफैदों

बाक्सानि सिरालआव बिपिएफ-जिएसपिनि
दैदेनगिरि-मावफारियाफोरा इउपिपिएलआव हाबफैदों

लंका, 27 आगस्ट: बावैसो सान सिगां आसामआव सोमजिनया माखासे समाज बेरेखा थासारिफोरनि होबोमा जाहाते ह'जाइ जिल्लाया गोरलैया बेनि फार्से नोजोर होनानै जिल्ला खुंथाया 144 (□ 4 बिलाइआव)



बिजनी, 27 आगस्ट: बर' हरियाव थरसे अलंबार सानजारां लक्षेस्वर ब्रह्मआ हरिनि थुनलाइ, हरिसु, राजखान्थि, धोरुम आरो गेलेनाय बिथिडव मैखोम बिहोमा होबोनाय सानजारां लक्षेस्वर ब्रह्मनि थैनाय सान 2 सेप्टेम्बरखौ बोसोरफ्रोमबो सानजारां लक्षेस्वर ब्रह्मनि थैनाय सान फालिबोबाय थादों बिजनी सोलौंसालिमायाव। बिजनी सोलौंसालिमा बर' थुनलाइयारि आफादआ सानजारां लक्षेस्वर ब्रह्मनि सानसि आरो सान्थोखौ बर' माहारिनि गेजेराव अरायथा लाखिनारनि असिलायै गुबुन गुबुन बोसोरनि बादि देगलायबो सानजारां लक्षेस्वर ब्रह्मनि 41थि (□ 5 बिलाइआव)

भबानिपुर, 27 आगस्ट: बाक्सा जिल्ला बागानपारा बिटिसि गौथुमारि बियाबनि सिडव थानाय सिरालनि पेटिफुखुरियाव दिने हाबाफारि बायदिये इउपिपिएल दोलोनि मोनसे मेलआव 100 निखुइ बांसिनि बिपिएफ आरो (□ 5 बिलाइआव)

रडियाआव स्मार्ट मिटारखौ बन्द खालामनो
दाबिनानै आसुआ सोमावसारदों

सरकारि फाहामसालियाव सासे खुदियानि जिउ गोमानायखौ लानानै दुंहाव थासारि सोमजिदों



सालबारि, 27 आगस्ट: राइज्योआव फिन सरकारि फाहामसालिआव सासे जोनोम जागोदान खुदियानि जिउ गोमानाय खों मोन्नाय जादों। मख'नो गोनांदि फाहामगिरिनि गोरुन्थि फाहामथायनि थाखायनो खुदियाआ जिउ गोमादों होन्ना भुगिनांनय (□ 5 बिलाइआव)

उदालगुरि, 27 आगस्ट: उदालगुरि जिल्लानि नै फरस्ट रेन्जनि बेन्देडव थानाय भारत-भुटान सिमना ओन्सोलफोराव देज्जां बोथोरनि समाव गामिआरि सुबुंफोरा आबाद फोथाराव माइ आबाद मावनानै बोसोरसेनि (□ 5 बिलाइआव)



रडिया, 27 आगस्ट: रडियाआव गोहो बिफाननि हेंथाय दिने आसुआ गोखों सोमावसारनाय हाबाफारि खुजे। स्मार्ट मिटारनि थाखाय मोब्लिननि मासुल बांनय, थि महै मोनब्लिब जगायैनि हेंथाय दिने फुंनि 10 रिगायाव राजा लामा सकनि आसुनि (□ 5 बिलाइआव)

सुजुगिरिनि खोलोम

खौसेनि लामा दिहुथ्यो गेजेरनि सुबुंफोरा

दासान्दि राइज्योआव आइजो-हिन्जावसाफोरनि सायाव आथोनारि उतरखार खालामनाय जाथायफोरा होबथानाय गैथै बादि बांबोनायाव जॉनि आइ-विनानावफोरा बाइजोयाव ओंखारो हाथै बादि रेखाथि गैथै थासारिया नुजानाया समाजनि साफ्रोमबो सुबुंफोरेखो नो सानस 'नो हाथै बादि खालामदों। आइजो-हिन्जावसाफोरनि रेखाथि गैथै जालानाय सोलिफु जाथायखौ लानानै नो दासान्दि राइज्योआव मोनसे थाखोनि सुबुंफोरनि सायाव गात्रि मोन्या, बोरबनाय आरो खुद्रिखानायनि अर जोंखानायखौ राइज्योनि अख फासैं नुनो मोन्या जादों। खुद्रिखानायनि अर जोंखानाय थासारिया बने समव मा जाथाय सोमजिखाडे बेनि गेरिन्ट होनो हानांगौया गोत्राव। राइज्योआव सोलिफु समसिम आइजो-हिन्जावसाफोरनि 'रेखाथि गैथै जालाडखे, थागिबि सुबुंफोरनि थामोन्था रेखाथियावबो गिथावना थासारि लाबोदों होनानै बेनिफ्राय रेखाथि मोनो फिसा-फिसा फालांगि मानानै जाग्रानिफ्राय लानानै गुबुन गुबुन खामानि मानवो थाहेनाय मोनसे थाखोनि सुबुंफोरखौ अख आसाम नागारो बिथोन होनायबो नुनो मोन्या जादों। बे थांखिया बेसे गनायथाव आरो जाफुंनय मोनगोन ना मोना सौनायबो सिखांदों आरो बेखौ लानानै मदत होनाय आरो हेन्हा खालामनानै दान्थे-बिदान्थे जालायनायबो नुनो मोन्या जादों।

बेजों लोगोसेनो जॉनि बड'लेन्ड राइज्योआव फेगौ बिटिआरनि बिसायख 'थिखौ लानानै थानाय माखासे समव बड'लेन्डनि ओन्सोलारि राजखान्थि दोलोखो ज 'थे बिसायख 'थि गेलेहो नो खौसे जालायनायनि बाश्रा खौरं बिजों आरो समाजआरि बिजोंफोराव सानफ्रोमबो आखाइ बेफ्रावनायबादि खौसे जानांगौनि खौरं नुनो मोन्या जादोंमोन। बाइजोनि सुथुरखौ होबथानो जायगानि दोलोफ्रा खौसे जानांगौनि सायाव गोबांखो नो गोसोयाव नांनय बाश्रा बुंनानै गोरोबलायनो हाथै दोलो मोन्येखौ आखाइ हमलाय होनानै बिटिआर बिसायख 'थिखौ खौसेये गेलेहोनायनि जैरेबादि मिजिं लानानै बाश्रा बुंनाने आरो हावा माननाय नुनो मोन्येमोन बेफोर मिजिं आरो थांखिफोरा जाफुंनो ना? नुनो मोन्या जादों खौसे जानांगौनि बाश्रा ओंखारबाय थानाय समावनो मोनसेया गुबुन मोनसेनिखुइ गोरसोरखौ गोखौसिन, राइजो-राजा भटारफोरजों अन्साय जासिन्नाय, फेगौ बिटिसि बिसायख 'थियाव गोबां मासि देहागोन, सरकार दागोन होनानै खौसेनि बाश्रा बुंनो नागारनानै हासिनि थाखायल 'बिबुंसार होनायजों खौसेनि फेगोननि लामाखो गोजान नुहरो। ओन्सोलारि दोलो मोन्येया एलाइन्सआव फेनानै बिटिआर बिसायख 'थिखौ खौसेये गेलेनाय नड, हासि-हासि गेलेनो थांखि लानायखायनो सानफ्रोमबो जइनि हाबाफोरि लाबाय थानायखोबो नुनो मोन्या जादों। बेनिफ्राय रोखा जाय- बड'लेन्डनि ओन्सोलारि राजखान्थि दोलो मोन्येया एलाइन्सआव फेनानै खौसेये बिटिआर बिसायख 'थि गेलेनायनि सोलाये आलादा-आलादाये बिसायख 'थि गेलेनो जान्जि खाफ्राबाय। बेनि फिथाया बेसे गोखा जागोन बेखौ फिथाय मोनजाहेन्हासो हमदांनो हागोन आरो राइजो-राजाफोराबो बे फिथायजोंनो सैनगोन। ओन्सोलारि दोलो मोन्येया एलाइन्सआव फेनानै खौसेये बिसायख 'थि गेलेनो हाया, बेखौ गुबुनफोरा मोजाडेनो मिबथियो। बेखायनो बिटिआर बिसायख 'थियाव बे खाबु फेगोनखौ नुहलानै नो हासिडे गेलेनो फोसावनायनि जाहोनखो बयबो हमदांनो हाथै गैया। दाबो सम दड, इयुनाव उन-सिगां सानलाय-हलाय खालामनानै बयनिबो गनायथाव, रावनिबो खहा फेनो हाथै बादि एलाइन्सआव लाबोनानै खौसेये बिटिसि बिसायख 'थि गेलेहोनायनि लामा दिहुनायाव नांथाबथों गेजेरनि सुबुंफोरा।

दिनेनि फान्जामुथि

राशि बाइदियै मुंनि गिबि हांखो

मेघ : अल बुध : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ठ (ण ष)
तुला : त र बृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

मेघ: मानिबा दायआव सन्देह खालामजानो हागौ। जैरेबो सांग्रां जानानै थानांगोन।

बुध: जेखि जाया शुभ खामानि मानवानै लानो हागोन। बे राशिनि थाखाय मोजां सम।

मिथुन: मानिबा थाखाय जिंजा सिनांनो हागौ। गोजोन्नाय गैथैजों सम बाहोनांगोन।

कर्कट: फालांगि मानवायाव रांखावरि मुलाम्फा मोन्यो हागोन। गोजोन मोनगोन।

सिंह: नख 'रनि शुभ खामानि मानवानै लानो हागोन। नख 'रआव गोजोन्नाय फेगोन। मोजां सान।

कन्या: मोजां मोनलायनायाव अनलायनाय फेगोन। दौलेंआ गोर जागोन। मोजां सान।

तुला: जेखि बादया देरहासार जानो हागोन। फारफ्रोमबो मोजां। गोजोन मोनगोन।

बृश्चिक: मानिबा जेंनानि थाखाय गोसोखौ शान्ति गैथै मोनगोन। जेखि जाया गोसोखौ हमथा।

धनु: बेफार फालांगि मावग्रानि थाखाय गाहाम सान। मुलाम्फा आरजिनानै लानो हागोन।

मकर: खामानि मानवायाव गोहो-बोलो बाहायनांनो हागौ। सानै-हथै मानवाया गाहाम।


कुम्भ: मानिबा आसा खालामनाय दडबा जाफुंसारनो हागोन। गोजोन मोनगोन।

मीन: बबेबा गोजान जायगायाव दावबायहेनो मोन्यो हागौ। गोजोन मोन्यो हागोन। मोजां सान।

गाहाइ मन्थि नरेन्द्र मदिआ रासियानि हादरगिरि भ्लादिमिर पुटिनजों जानबुंनि गेजेरजों रायज्जलायहरदों

गोदान दिल्ली, 27 आगस्ट:

गाहाइ मन्थि नरेन्द्र मदिआ रासियानि हादरगिरि भ्लादिमिर पुटिनजों जानबुंजों रायज्जलायहरदों। रासिया-इउक्रेन दावहानि अनगायैबो सानैबो दैदेनगिरिफोरनि गेजेराव गोबां गोनांथार आयदाफोराव सावरायनाय जादों। बेनि गेजेराव पिएम मदिआ पुटिनखौ बुंदोंदि, भारतआ मोनसे गोजोन लाबोनानयनि थाखाय नांथाबदों। बेजों लोगोसे सानैबो दैदेनगिरिफोरनि गेजेराव सोलोआरि बाहागोआरि खौ गोखों खालामनायनि बाश्राबो सावरायलायदों। गाहाइ मन्थि मदिआ गावनि सशेल मिडिया



प्लेटफर्म एक्सनि गेजेरजों रासियानि हादरगिरिजों सावरायलायनायनि सोमोन्दे फोरमायथि होदों। पिएम

मदिआ एक्सआव लिरदों, दिने हादरगिरि पुटिनजों रायज्जलायदों। गाहाइ मन्थिआ बुंदोंदि, रासियानि हादरगिरिया

मोनस्रि जरखा आरो सोलोआरि बाहागोदारिफोरखौ आरोबाव

गोखों खालामनायनि राहाफोरनि सायाव सावरायदों। बिथाड आरोबाव बुंदोंदि, रासिया-इउक्रेन दावराव-दावसि आरो बावैसो इउक्रे न दावबायनायनिफ्राय मोन्याय सान्थौनि सायाव सानस्रि सोलाय-सोल 'खालामो। बेनि सिगां गाहाइ मन्थि नरेन्द्र मदि आरो आमेरिकानि हादरगिरि ज' बाइडेननि गेजेराव फनाव सावरायलायनाय जादोंमोन। बे रायज्जलायनायनि उनाव, बायखो हायुंआरि बिफानजों फोसावजानाय मोनसे बिबुंथियाव बुंनय जादोंदि,

गाहाइ मन्थि मदि आरो बाइडेनआ बांग्लादेशनि आथिखालनि थासारिनि सायाव जिंजा फोरमायदों। व्हाइट हाउसजों फोसावजानाय बिबुंथियाव खालि रासिया-इउक्रे न दावहाखौल मुंन्याय जादों। गाहाइ मन्थि नरेन्द्र मदिआ 23 आगस्तआव इउक्रेन दावबायदोंमोन। बे समनि गेजेराव, बिथाड हादरगिरि जेलेन्कोजों खालि फारसेआरि सावरायनाय आरो इउक्रेनफ्राय बे दावहाखौ फोजोबनो थाखाय राजखान्थियायारि आरो सावरायनायनि राहाफोरखौबो खुलायै हेफाजाब होदोंमोन।

दानिया माखासे खामानिफोरनि थाखाय सरकारि मावख 'फोराव थानांनय नंला

गोदान दिल्ली, 27 आगस्ट :

बे डिजिटल जुगाव स्मार्टफनआ जोंनि लाइफनि मोनसे मख 'जाथाव बाहागो जाबाय। आथिखालाव पेमेन्टनफ्राय लानानै माखासे गोनांथि जानाय खामानिखौ जों गोरलैथै मानवो हाबाय। नाथाय सरकारि खामानिनि बाश्रा बुडेब्ला जों जेब्लाबो गभर्नमेन्ट अफिसाव थानांगो जायो। आथिखालाव सरकारि एपनि गेजेरजों माखासे खामानिखौ मानवो आरो एपआवोनो खौरं होनो खोथा होदों। खोथा होनाय बादिथै सरकारि माखासे एप्स लन्व खालामदों। बे एप्सनि गेजेरजों जों माखासे डिटेल्सफोरखौ मोन्यो हासिगोन। बे सरकारि एप्सआ माखासे खामानिफोरखौ गोरलै खालामो। सरकारि खौरांनि बायदिब्ला, मोनसे जायगायावनो आधार कार्ड,



डिजिटलकार, पासपर्ट आरो इपिएफअ बायदि सरकारि साभिसिनि डिटेल्स मिबथिनो थाखाय उम एपआ जोबोद मदतगिरि महेरै फोरमान जायो। अदेबानि उम एप्खौ गासै साभिसिजनि थाखाय इन्टीग्रेट खालामो। बे बायदिद्याव आथिखालाव आलादा-आलादा खामानिफोरनि थाखाय आलादा-आलादा मबाइल एप्सनि गोनांथि जानाय नंलिया। आधार कार्डजों लोब्बा गोनां गासै

खौरांनि थाखाय एमआधार एपआ गोबां मदत खालामो। बे एफनिफ्राय आधार कार्डबो डाउनलड खालामना लानो हागोन आरो लोगोसे आधार कार्डखौबो आपडेट खालामनो हागोन। बेनि अनगायै आधारजों लोब्बा गोनां माखासे खामानिखौबो फोजोबनो थाखाय बे एफखौ बाहायनो हागोन।

तिरुपति, 27 आगस्ट :

कलकातायाव ट्रेनि डाक्टरजों देहा फाहामसालियाव जानाय जिनाहारि खालामनानै बुथारनायनि उनाव डाक्टरफोरनि खुद्रिखानाया दासिमबो जोबना थाडाखै। बन्द'आव थानाय डाक्टरफोरा सरकारि बिजिरनायजों लोगोसे देहा फाहामसालिफोराव बिसोरनि रेखाथिखौ रोखा खालामनो दाबि दैखंगोसिनो दं। बेनि गेजेराव नो अन्ध प्रदेशनि श्री वेंकटेश्वर इन्सटिटुट अफ मेडिकेल साइन्सेज (एसभिआइएमएस) नि केजुएल्टी वार्डआव सासे बेमारिया आइजो इन्टर्नि सायाव गाग्लोबनाय जाथाय नुजाथिदों। आइजो इन्टर्नि सायाव गाग्लोबनायनि उनाव पयवती मेडिकेल कलेज फर विमेननि जुनियर डाक्टरफोर आरो



फरायसाफोर जाथायनि हेन्थायै धनां खालामो। बे बेमारिखौ बंगाराजु मुडे सिनायथि होदों। दायनिगिरि बंगाराजुआ गावनि नख 'रजों लोगोसे धोरामारि दावबायनो थाखाय तिरुमालआव फेदोंमोन। बियो सासे बेमारिनि फाहामथाइनि थाखाय शनिबाखालि एसभिआइएमएस देहा फाहामसालियाव फेदोंमोन। बे समाव बेमारिनि फाहामथाय होबाय थानाय आइजो इन्टर्नि सायाव गाग्लोबो। आइजो

इन्टर्नि सायाव गाग्लोबनायनि मोनसे सिसिदिभि फुटेजआबो नुजाथिदों, जेराव बंगाराजुआ डाक्टरनि सायाव गाग्लोबनायखौ रोखायै नुनो मोन्यो। सुलुनि बायदिब्ला, हादतनाडे नि डाक्टरफोर देहा फाहामसालिफोरव गावनि रेखाथिनि थाखाय मिरु सरकारनाव सेन्ट्रल प्रेक्शन एक्ट एवा मिरुयारि सरैखाथि नेम-स्वाथिखौ दाबि दैखंदों, जायजों बिसोरनि रेखाथिखौ रोखा खालामनो हायो।

रामेश्वरम केफे बेरफुनायाव नुथाय गोहो गोमानाय आइजोआ 80 जौखोन्दो नुफिनबाय

बेंगलुरु, 27 आगस्ट :

बेंगलुरु रामेश्वरम केफेयाव थानाय 1 मार्चआव बेरफुनाय जाथाय जादोंमोन। बेयाव सा 10 सुबुंफोरा जोखोम जादोंमोन। बे जाब्रबथायाव जोखोम जानाय सासे आइजोया गावनि मेगननि नुथायखौ खोमानांदोंमोन। नाथाय जाब्रबथायनि माखासे दानफोरनि उनाव आइजोनि मेगननि नुनाय गोहोया 80 जौखोन्दो फेफिनो। मोनसे इराजि खौरं बिलाइनि रिपर्टनि बायदिब्ला, मेगननि नुथाय गोमानायनि उनाव आइजोनि मेगनखौ माखासे खेब सार्जारि खालामो, बेनि उनाव डाक्टरफोरा आइजोनि जिउआव नुनाय गोहोखौ लाबोफिनो। रिपर्टनि बायदिब्ला 26 बोसोर बैसोनि नागश्री पिआरआ थानाय 1 मार्चआव रामेश्वरम केफेयाव जानाय



बेरफुनाय जाथायनि समाव जोखोम जानाय सा 10 सुबुंफोरनि गेजेराव सासेमोन। बावैसो सिगांसो डाक्टरफोरा नागश्रीनि कर्निया आरो रेटिनाखौ सार्जारि खालामो। बे सार्जारि खालामनायनि उनाव नागश्रीआ गावनि गोमानाय मेगननि नुनाय गोहोखौ मोनफिनो। बेनि सोमोन्दे नागश्रीया बुडेदि, आं

गावनि आगदानि मेगननि सोरांखौ आबुडे खोमाना लानांदोंमोन आरो गासैखौबो साया बायदि नुनो मोनोमोन। सानसे आंनि मेगननि नुनाया सरासन्ना जाफिनगोन होन्ना आंहा फोथायनाय दंखायोमोन। रिपर्टनि बायदिब्ला नागश्रीखौ नेत्रधाम सुपार स्पेशियलिटी देहा फाहामसालियाव थिसन्दोंमोन।

डाक्टरफोर बिनि मेगनखौ खेबथाम सार्जारि खालामो। सासे डाक्टरव बुंनय बायदिब्ला, आइजोनि कर्नियाआ आबुडे बेरफुनायमोन आरो लेन्सआबो सिलिंखार जाबायमोन। बेयाव गोत्राबै जोखोम मोन्दोंमोन। एनआइएआ सहरनि बुकफिल्ड ओन्सोलाव केफेयाव बम बेरफुनाय जाथायव दासिमाव साबा सुबुंफोरखौ ग्रेटर खालामबाय।

कुकि आफादफोरा बुथागलुनाय जाथायखौ लानानै एन बिरन सिंह सरकारनि हेन्थायै दिल्लीयाव रेलि खुंगोन

इम्फल, 27 आगस्ट :

कुकि-ज'नि थाखाय बिधान मन्डलजों लोगोसे मिरुजों खुंजानाय राइज्यो दानो दाबि दैखानानै गुबुन-गुबुन कुकि आफादफोरा फेगौ 31 आगस्टयाव गोदान दिल्लीनि जन्तर-मन्तरयाव मोनसे रेलि खुंगोन। कुकि इन्पि आरो कुकि फरायसा आफादया खुंनो लानाय रेलिखौ



सानजौफु नि 1:30 रिंगासिम थि खालामनाय रिगानिफ्राय बेलासिनि 5:00 जादों। बे रेलिखौ कुकि-ज'

फोलेरनि हेन्थायै एन बिरन सिं'हनि दैदेन्याय बिजेंपि सरकारनि बुथागलुनायनि हेन्थायै खुंनो थि खालामदों। बेयाव कुकिफोरनो थार बिजिरनाय होनो दाबि दैखंगोन। मिरुजों खुंजानाय राइज्योनि दाबि दाफुंजायोब्ला कुकि-ज' सुबुंफोरनि मोन्थाइ आरो रेखाथियाव गेरिन्ट होगोन। गोदान दिल्लीयाव

खुंनो लानाय रेलिनि अनगायै लाम्कायाव आरोबाव मोनसे रेलि खुंनो थांखि लादों, जायखौ जमि स्टुडेन्स फेडरेशन आरो कुकि स्टुडेन्स अगेंनाइजेशननि गेजेरजों जुथायै खुंनय जागोन। बे मोननैबो रेलियव मणिपुराव सोलिगासिनो थानाय अलखदनि जेंनाखौ मिरु सरकार थाबैनो नायबिजिरनांगो होनानै दाबि दैखंगोन।

अरुणाचल आइजो समाजआ मिस अरुणाचल इभेन्ट सामलायग्राफोरनि सायाव सोंथि खालामदों

इटानगर, 27 आगस्ट: अरुणाचल प्रदेश आइजो जौगाखां स सा इ इ टि (एपिडब्लिउडब्लिउएस) आ बादायारिफोरनि रैखाथि, मान आरो उदां आखु दिन्थिनायखौ गोहोम खोलैग्रा आयदाफोरनि बाथा बुंथिनानै मिस अरुणाचल प्रग्रामखौ लाना गोथौ जिंगा फोरमायदों। एपिडब्लिउडब्लिउएसनि मोनसे थान्दै हान्जाया हाबाफारिखौ होबथानायनि सायाव सावरायनो आरो मख जाथाव खौरं लानो थाखाय लाइमोन के सफोरनि डायरेक्टर रमेश लिंगीजों लोगो हामो। लिंगीजो फोरमायदोंदि, गिबि मन्थिनि 'प्रतिमा खोज पहल' एबा मुसुखा संदान्नाय बिथांखिनि बाहागो बे हाबाफारिखौ 2019 आव 80 लाख रं बांथोनाय जादोंमोन। अदेबानि आनपेड इन्सेन्टिभस आरो मोजां नडे सामलायथायनि दाय जाबसिन्नायफोरखौ लानानै जेना नुजाथिदों। आगुनि मिस



अरुणाचल तेंम सेलिन कयुआ अक्टबर 2023 आव खुफुं आफादनो 10 लाख रं गथायनायनि उनावबो गावनि इन्सेन्टिभसखौ गथायाखौ होन्ना मिबथिहोदों। एपिडब्लिउडब्लिउएस टिमआ इन्सेन्टिभ रान्नाय हाबाफारिनि सायाव सोंथि खालामदों। ससाइटीआ हाबाफारिनि एमअइउयाव अनागारि बेरेखा खान्थिफोर गैथै आरो आयेनि

गेजेरजों गोनांथार इंसिआरि अजद समितिफोरनि आंखालखौ लानोबो जिंगा फोरमायदों। बिथांमोनहा आइजोफोरजों लोब्बा गोनां राइज्यो हाबाफारिफोरनि थाखाय आरैबायदि समितिफोर सामलायनो थाखाय मोनसे अमेन नडेल अफिसार थिसनो बोसोन होदों। एपिडब्लिउडब्लिउएसआ लाइमोन के सफोरनि

डायरेक्टरटिनफ्राय इमार्जेन्सि नायबिजिरनां गौनि दाबि खालामदों। बिथांमोननि दाबिआव थाबथानानै थानाय पेमेन्टखौ थाबैनो फोसावनाय, खुं ग्राफोरनि हेंथायै दाय जाबसिन्नायफोरखौ गुवारै नायसंन्याय आरो आइजोफोरनि हाबाफारिफोरखौ नोजोर होनो थाखाय मोनसे नोजोर होग्रा पेनेल गायसंन्यायाबो दंफायो।

गोब्राब अखा हानानै दै लोमसावनायजों गुजरातआव गोबां खहा जादों

गोदान दिल्ली, 27 आगस्ट: हादतनि माखासे रइज्योफोरगव मौसुमि बोथोरनि जेनाया सोलिगासिनो दड। दिल्ली राजथावनियाव जेराव समबारखालि बोथोरखौ सरसनस्त्रायै थानायखौ नुनो मोन्दों। सानसे अखाज जोमैजों जोख्लोबना थदों आरो बेलासि समाव माखासे ओन्सोलाव जुब-जुब अखा हानायखौबो नुनो मोन्दों। अदेबानि बोथोर बिफाननि बादिब्ला, दिल्लीनि बोथोरआ मंगलबारखालि फिन खेवसेबाव सोलायनो हागौ। दिल्लीयाव मंगलबारखालि सानसे जोमै साग्लोबनायजों लोगोसे एफा एनै अखा हानायनिबो सन्देह दड। बेनि गेजेरजों बोथोर बिफानआ येल' एलार्ट फोसावदों। बोथोर बिफाननि बादिब्ला, 28, 29



आरो 30 आगस्टआव राजथावनियाव बोथोरआ एखेयैनो थागोन। बे सानथामनि गेजेरव अखांआव जोमै साग्लोबना थागोन आरो इसे अखा एबा खुवाबो खुनो हागौ। 31 आगस्टआव बोथोरा सरसनस्त्रायैनो थागोन

आरो इसे खुवा गोलैनो हागौ। सरदार सरवर नर्मदा बान्दोनि गासै 23 गेटखो खेवनानै होनाय जाबाय। थानाय 24 घन्टयाव सासे आइजोजों लोगोसे साथाम सुबुंनि जिउ खहा जानाय खौराड सोराडव फेदों। गोबां अखा हानायनि जाहोनाव

आहमेदाबाद, गान्धीनगर, सुरत, राजकतनि अनगायै खोला गुजरातनि माखासे ओन्सोलफोरव दै बानाजों गोहोम गोलैदों। बोथोर बिफाननि बादिब्ला, फेगौ 24 घन्टानि गेजेरव गुजरातआव सरसनस्त्रानिफ्राय गोबां अखा

फाराक्का बेरेजनिफ्राय दै हगारनायजों बांलादेशआव दै बाना जानाय खौरांखौ भारतआ गोरोन्थि होन्नानै फोरमायदों

गोदान दिल्ली, 27 आगस्ट: भारतआ समबारखालि बांलादेशआव सोलिबाय थानाय बै सावरायनायफोरखौ नेवसिगारो, जेराव सोनाब बंग'नि फाराक्का बेरेजनि गेट खुलिनायजों बांलादेशआव हरखाबै दै बाना फेदों होन्ना बुंनाय जायो। बांलादेशआव हरखाबै दै बाना फेदों होन्ना बुंनाय जादों। बांलादेशआव बावैसो सानफोरव फैन्याय दै बानाजों सा 23 सुबुंफोरनै आरो 60 लाख सुबुंफोरनाव गोहोम गोलैदों। भारतीय गुबुन हादतयारि बिफाननि बुंथिगिरि रणधीर जायसवालआ बुझेदि, जों बांलादेशआव गुबुन गुबुन रोखोमै सोलिबाय थानाय नंखाय भिडिअ बानसावनाय खौरांफोर आरो गिनाय सोमजिहोग्रा गात्रियै गोसार होनायखौ नुनो आरो खोनानो मोन्दों। जों बेफोर नंखाय बाथाफोरखौ थारैनो नेवसिगारो। बुंथिगिरिआ बुंदों, दैमा आरो बेराजनि दैजों सोमोन्दो गोनां खौरांफोरखौ थि खालामना राहा बायदियै जुथाइ दै आयगनि



बिबानगिरिफोरजों शेयार खौरांफोरखौ नुनो मोन्नाय जादों। अखा हानाय बोथोरव डाउनस्ट्रीमआव दै हगारनाया सरासन्खा बाथा। मख'नो गोनांदि, बे खेबाव अखाया बांदाय हादों। बेनिखायनो बेखौबो बांसिनै हगारगासिनो दड। बेयाव जेबो सरासन्खा नडे एबा गोरोन्थि गैया। बेरेजनि दै

बिबानगिरिफोर दड। जायसवालआ बुंदों, बांलादेशनि मिडियाआव फाराक्का बेरेजनि गेट खुलिनाय आरो बेजों 11 एबा क्युमेक देखौ गंगा एबा पद्या दैमायाव हगारनायनि

बाखिनि मोनसे सिमना थायो आरो बै सिमनाखौ नोजोर लाखिनाय जादों। थानाय सप्ताहयावबो बांलादेशाव त्रिपुरानि मोनसे बान्दोनिफ्राय गुमली दैमायाव दै हगारनाय नंखाय खौरां गोसारनायनि उनावबो भारतआ रोखा खालामना होदोंमोन।

त्रिपुराआ दै बानाजों जानाय खहाखौ नायबिजिरनो थाखाय मिरुनि टीम दैथायहरनो दाबि दैखांदों

आगरतला, 27 आगस्ट: त्रिपुरा सरकारआ मावख'आरि महैर भारत सरकारनाव बावैसो सिगांनि दै बानाजों जानाय खहाफोरखौ नायबिजिरनो थाखाय मोनसे मिरुआरि टिम दैथायहरनो आरज गावदों। बे टिमआ रइज्योखौ सोलिहोना नाजानायफोरनि थाखाय उफ्रा मदत बिनो थाखाय मोनसे गिदिर फोसावदिलाइ थियारि खालामनायाव हेफाजाब खालामदों। त्रिपुरायाव दै बानानि थासायियाव साबसांनयनि इसारा नुनो मोन्नाय जादों। रेहाय बादाफोरव थाग्रा सुबुंफोरनि अनजिमायाव मख'जाथाव दावखलायनाय फेदों। रइज्योआव गं 1.2 लाख सुबुंफोर न' गैजायै जानांदों आरो मोन 471 रेहाय बादाफोरव आस्त्र लादों।



आथिखालाव अनजिमाया खमायनानै 70,000 जाबाय। रेहाय आरो अलखद सामलायग्रा बिफाननि बायदिला, थानाय सानथामनि गेजेरव अखाया सरसनस्त्रा जादों। थानाय 24 घन्टयाव बयनिखुइ बांसिनै 38 मि:मि: अखाखौ दिखांनो मोन्नाय जादों। आथिखालाव सनामुरयाव गमती दैमा नि दैआ अलखद गोनां सिनखौ बारदों। बेनि गेजेरजों रेहाय होनाय

हाबाफारियाबो सोलिगासिनो दड। जाहोनाव एसडिआरएफनि मोनथाम टिमफोर गमती आरो सिपाहीजला जिल्लाफोरव एक्टिभयै खामानि मावगासिनो दड। जिल्ला खुंथाया मोन 471 रेहाय बादाफोरखौ सोलायगासिनो दड। जाय 70,000 निखुइ बांसिन न' गैजायै जानांनया हेफाजाब होगासिनो दड। त्रिपुरायाव दै बानाजों सा 26 सुबुंफोरनि जिउ गोमाबाय।

रैखाथि हान्जाफोरा कम्बिं अपारेसन खालामनानै सा 6 उतरखारिफोरखौ हम्मनो हादों

इम्फल, 27 आगस्ट: मणिपुराव रैखाथि हान्जाफोरा थानाय 26 आगस्टयाव सोनाब इम्फल जिल्लानि अवापसंभामाव मोनसे जुथाइ अपारेसन खालामनानै होबथाजानाय आफाद कांलेइ यावल कन्ना लुप (केवाइकएल) नि सा 6 केडारफोरखौ ग्रेप्टर खालामो। ग्रेप्टर खालामजानाय उतरखारिफोरनि सिनायथिखौ 26 बोसोर बैसोनि अइन्म नाअचा मेइतेइ मुडै होदों। बिसोरनि हान्जाया 25 बोसोर बैसोनि थारइजम नानाअ मेइतेइ, 38 बोसोर

बैसोनि युमनाम अमित कुमार, 24 बोसोर बैसोनि सन्दम रशन मेइतेइ, 41 बोसोर बैसोनि मइंथेम वय सिंह, आरो 35 बोसोर बैसोनि वारिम इबमचा मेइतेइआ दंफायो। बिबानगिरिफोरा बे

अपारेसननि समाव गोबां बिबानि मुवा-बेसादफोर जड'खालामो। बे नायबिजिरनायाव पुलिसा गोबां जायगाफोरव सिग्रोमनानै गोबां बिबानि हाथियार आरो गुलि बोखाडो, बेनि गेजेरव गंसे सिंगोल बेरल हाथियार, गंसे

डिबिबिएल हाथियार, मोननै गोथां कार्तुस, मोन 75 गोथां गुलिजों लोगोसे गं 3 एके 47 मेगजिन, गं 5 खालि एम-16 राइफलआ दंफायो। बै सान खालिनो बेजों सोमोन्दो गोनां जाथायाव मणिपुर पुलिसा होबथाजानाय आफाद इउनएलएफ (कइं) नि सासे केडारखौ ग्रेप्टर खालामो। ग्रेप्टर खालामजानाय सुबुं कन्सम रमेश मेइतेइ (43 बोसोर बैसो) आ ब्रिकफिल्डसखौ नोजोर होनानै जर-जुलुमै रं खानायाव दंफायोमोन। पुलिसा बिनिफ्राय गंने मबाइल फन, गंसे बुट आरो गंसे साखा खबनै गारि जड' खालामनानै बोखाडो।

शिवाजी महाराजनि मुसुखा बायग्रबनायखौ नैभिफोरा नायबिजिरनो

गोदान दिल्ली, 27 आगस्ट: महाराष्ट्रनि सिन्धुदुर्ग जिल्लानि रजकट किलेयाव छत्रपति शिवाजी महाराजनि 35 फुट गोजू मुसुखाया समबारखालि गोखों बारनि जाहोनाव बायग्रवो। बे मुसुखाखौ गाहाइ मन्थि नरेन्द्र मदिआ थानाय बोसोरनि 4 डिसेम्बरआव बेखेवदोंमोन। मुसुखा बायग्रबनायनि उनाव बेरेखा दोलोफोर रइज्यो सरकारनि सायाव सोंथि दिखाडो। बेनि गेजेरजों भारतआरि नैभिफोरा छत्रपति शिवाजी महाराजनि मुसुखा बायग्रबनाय जाथायखौ नायबिजिरनो बिथोन होयो। अदेबानि बे मुसुखाखौ थानाय बोसोरनि नैभि सानाव गाहाइ मन्थि नरेन्द्र मदिआ बेखेवदोंमोन। हर गेजेरव फोसावनाय मोनसे बिबुंथियाव नैभिआ



बेखों खाफाल गात्रि जाथाय होना फोरमायो। बेखौ लानानै थाबैनो नायबिजिरनानै मुसुखाखौ बानायफिनो थाखाय थांखि लानो मोनसे टिमबो थिसन्दों होन्ना बुंनाय जादों। सुलुखव फोरमायनाय बायदिला, बे मुसुखाखौ भारतआरि नैभिफोरा बानायदोंमोन। बे जाथायनि सोमोन्दै माखासे आटिक्रिफोरनि गेजेरजों एफआइआर थिसनबाय।

No. UDB/Tender /01/2022-23/		Date 27/08/2024		
SHORT NOTICE INVITING TENDER				
Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequence to be converted and drawn up in the printed of F-2 form are invited from the registered contractors of Class-II and Class-I (A, B & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 & other financial years as stated below. The tenders will be received by the undersigned up to 12.00 Noon on 20/09/2024 and will be opened on the same date & place at 2.00 P.M.				
Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Const. of Community toilet at Khusrabari Boro Catholic Church under 15 ASFC	11,00,000.00	Rs.500.00	3 (three) months from the issue of Formal Work Order
2	Const. of Community toilet at Palghari Roman Catholic Church under 15 ASFC	11,00,000.00	Rs.500.00	3 (three) months from the issue of Formal Work Order
3	Road with Earth filling and sand gravelling at Harpur village from pakka road to paddy field(opposite to Maharishi High School Gate) under SOPD(P&RD) for the year 2024-25	8,00,000.00	Rs.500.00	3 (three) months from the issue of Formal Work Order
Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 27/08/2024 to 20/09/2024 in the office of the undersigned on payment. The contractor should submit attested copy of latest Registration certificate, labour certificate, latest Income Tax, GST Registration, PAN Card along with the tenders. In case the office remains closed on tender issuing/receiving/opening date the same will be issue/received/opened on the next working day. The successful tenderer has to be submitted 1% (in case of ST/SC/OBC) and 2% (in case of General category). Performance Security Deposit money against the work in the form of Demand Draft / Banker's Cheque only from any nationalized Bank duly pledge to the Block Development Officer, Udalguri Development Block, Udalguri as mentioned above have to be deposited at the time of allotment of work. The BTC authority reserves the right of accepting or rejecting the tender papers without assigning any reason thereof.				
		Sd/- Block Development Officer, Udalguri Development Block		
IPR(BTC)/C/2024-25/393				

No. JDB/P&RD(SOPD)/8/2024-25/7949		Date 21/08/2024			
NOTICE INVITING TENDER					
Sealed Tenders affixing a non-refundable Court fee stamp amounting Rs. 8.25(Rupees eight & twenty five paise) only with a validity period of 180 Days which will subsequence to be converted and drawn up in the printed of F-2 form are invited from the registered Contractor of Class-I (A, B, C), Class-II, Class-III category of Assam PWD (Roads & Building) and BTC for the following works under SOPD fund for the year 2024-25 under Jalah Dev. Block of BTC area. The Tenders will be received by the undersigned up to 2.30PM on 12-09-2024 and will be opened on the same date & place at 3.30PM.					
Sl. No.	Name of Scheme	Tender Value (In Lakh)	Bid Security	Cost of BID documents (D/D) @ 0.03% (Approx.)	Time of Completion
1	Const. of E/F & S/G road from Simlaguri village to Salbari Shiv Mandir	18.00	Rs. 18,000/- @ 1% for ST/SC/OBC & Rs. 36,000/- @ 2% for General	Rs. 540/-	3 (Three) months from the date of issue of work order
2	Const. of E/F & S/G road from Mrigen Narzary's house to Joleswar Ramchary house	18.00	Rs. 18,000/- @ 1% for ST/SC/OBC & Rs. 36,000/- @ 2% for General	Rs. 540/-	3 (Three) months from the date of issue of work order
3	Const. of Slab Culvert in Dwisaguri village	16.00	Rs. 16,000/- @ 1% for ST/SC/OBC & Rs. 32,000/- @ 2% for General	Rs. 480/-	3 (Three) months from the date of issue of work order
Details NIT may be seen at the office of the undersigned from 21-08-2024 to 12-09-2024 up to 1.00PM.					
		Sd/- Block Development Officer, Jalah Dev. Block, Jalahghat			
IPR(BTC)/C/2024-25/390					

मोक्लिबआरि खामानि

डेन्डार नं: आगुन्वाइ-इएल-टि-04-2024-25। गावयाव फोरमायनाय खामानि सायाव मुसुखायिआ इ-डेन्डार संशयवदो। खामानि मु: निउ बख्खवनि विटि कल 'नीयाव उत्रा गोथी डिबुव वेल, आइआपि प्लेन्ड आओ पाप हाउसनि राओ खालामनायखौ लोब्बा थानाय मोक्लिबआरि खामानि। टेन्डरनि बेसेन: 13.24.661.69/- व: अंशिम यै: 26,700.00/- गं 1 इ-डेन्डार बन्द जानायनि अक्ट' आओ सभ: 20-09-2024 अक्ट'नि 15:00 सिन्याव। गोजीयाव फोरमायनाय इ-डेन्डरनि डेन्डार व्हाडों लोगोसे आरु फोरमायथिखौ वेबसाइट www.ireps.gov.in अरु मोनो हलनि।

सिनियर डिइड/रिड्या
सा-सान्जा सिमना रेलवे
"सिन्धुदुर्ग राडकरोरिसि सिन्याव"

उरां जाहाजआव होनाय जाग्रा मुवाफोरा मानो स्वाद गोनां जाया ? मिबथिगौ ना ?

आथिखालाव बांसिन सुबुंफोरगो समनि आंखाल आरो खामानि होसोनानै उरांजो दावबायनायखौ साबसिन होना गनायसै। फारसेथिं बांसिन उरां दावबायारिफोर उरां जाहाजआव होनाय जाग्रा मुवाफोरा स्वाद गोनां जाया होना अजद होयो। बिबोरनि बेबायदि अजद होनायनि आन्दोआव मा जाहो दडगोबांआनो बेखौ मिबथियो। समा सोलायनायजो लोगोसे गोबां मुवा-बेसादफोराबो सोलायलांबाय। जो सिगांआव ट्रेन आरो गारि-मथरजो दावबायोमोन आरो जाहाजजोबो दावबायोमोन। बेफोरजो दावबायनायनि माखासे सुबिधाबो दंमोन। जैरे ट्रेनजो दावबायनायवा गवनि न'नि मोजां जाग्रा मुवाखौ लोगोआव लाना थानो हायो आरो सम जायोब्ला बेखौ दिहुना ट्रेनावनो जानो हायो। अदेबानि उरां जाहाजआव गोबां मुवाफोरखौ लोगोआव लांफानो मोना। बिदिन्थि हिसाबै गोजान दावबायनायवा न'निफ्राय जाग्रा मुवाखौ उरांआव लांफानो मोना। बेयाव होनाय जाग्रा मुवाफोरखौनो जानानै हान्थिनगो



जायो। बबेखानि उरांजो दावबायनायवा मोनजानाय बेयावनि आदारआ स्वाद गैयै होना बांसिनानो बुडे। बेनि जाहोना उरांआव बांसिया एबा गात्रि क्वालिटिनि आदारखौ होयो ना गुबुन माबा जाहोना दडबेखौ दिनें जो मिबथिगोन। बेनि सायाव स्टान्डि खालामनानै मिबथिनो हादोदि, बारहावानि गोजो बाहागोयाव सौहैनायनि उनाव जौनि टेस्ट बडस एबा स्वाद लानो हानाय गोहोआव आलादा रोखोमनि गोहोम गोरलैयो। बेनि गोहोमाव स्वादआल' नडा, मोनामसुनाय गोहो आरो

मेगननि नोजोरवबो गोरलैयो। बेफोर जयै जौनि जानायनि स्वादखौ जौनि अंगसिम सौहैहोयो। बेनिखानो बेयाव सोलायनायखौ जो मोन्दाथियो। मनेस के मिके ले सेन्सेल सेन्टारनि डू खर्ट पेलेग्रिननि बायदिब्ला, जेब्ला उरांआ अख्रांआव बिरो अब्ला जौनि सेन्सेज एबा मोन्दांथिनो गोहोआव उल्था गोहोम गोरलैयो। बेनि जाहोनाय उरांआव होनाय जाग्रा मुवाफोरखौ थावनाय मोना। बेबायदि मोन्दांथिनोआव आबहावानिबो गोहो दड। अख्रांआव बिस्नाय समाव उरांनि

केबिनआव ल' एयार प्रेसार जायो, सिदोमाया खम जायो आरो नइस एबा दावराव-दावसि सोदोबफोर हाइ लेभल जायो। बेफोरो जौनि मोनामसुनाय गोहोआव गोहोम खोख्लैयो। थोजासे सिदोमा नडाब्ला जौ मोनामसुनोबो हाया। मोनामसुनाय आरो स्वाद लानाया गावजो गाव लोब्ला दं। बेनि अनगायै 30,00 फुट गोजोआव सौहैयोब्ला जौ गोदो, गोबाब आरो गोखा टेस्टफोरखौ मोन्दांथिनो 20-30 जौखोन्दो खम जायो होनाबो स्टान्डियाव बुनाय जादो।

भारत लैथोमायाव भारत आरो चीननि दावहारु जाहाजआ मोगा-मोगि जादो



गोदान दिल्ली, 27 आगस्ट : भारत लैथोमायाव चीनआ गावसोरनि गादेबो नाजानायाव नांथाबदो। चीननि बे खैसार सानायखौ फेलें खालामनो थाखाय भारतआबो आलादा-आलादा सोलोखान्थि बानायदो। बेनि गेजेरजो भारतयारि नैभिनि आइएनएस मुम्बाइ जाहाजआ 3 साननि थाखाय दावबायनाय

थानाय समबारखालि श्रीलंकानि कलम्ब जाहाज गाथोनाय सौहैयो। बेरा फारसे, समबारखालि चीननि गं 3 दावहारु जाहाजआ श्रीलंका सौहैयो। भारतयारि हाइ कमिसनार रबिबारखालि खौरं होयोदि, आइएनएस मुम्बाइया 163 मिटर गोलाव बेयाव सा 410 सोद्रोमाफोरनि सालायग्रा

दोलोआ थियारियै दं। हाइ कमिसनार भारतयारि नैभिनि बे दावहारु जाहाजआ श्रीलंकायाव गं 3 दावहारु जाहाज हे फेइ, बुझिशान आरो किलियानशान कलम्बआव सौहैयो। चीननि लिबारेसन आर्मिनि हे फेइ दावहारु जाहाजआ 144.50 मिटर गोलाव, जेराव सालायग्रा दोलोनि सा 267 सोद्रोमाफोर

दड, बेरा फारसे, बुझिशान दावहारु जाहाज 210 मिटर गोलाव, जेराव सा 872 क्रुम मेम्बारफोर थिसन्दो। बेनि अनगायै किलियानशानआ 210 मिटर गोलाव आरो बेयाव सालायग्रा दोलोनि सा 334 सोद्रोमाफोर दं। आइएनएस मुम्बाइ जाहाजनि केप्टेन सन्दीप कुमारा बुडोदि, आइएनएस मुम्बाइआ चीननि दावहारु जाहाजफोर आरो श्रीलंकानि दावहारु जाहाजजो लोगोसे आलादा आलादा पेसेननि हुदा खालामगोन। बेरा फारसे, दरथाम हादतफोरनि नैभिफोरा खेला, यगा आरो लैथोमा बोरिखौ साखोन-सिखोन खालामनाय बायदि जुथाइ हाबाफारियाव बाहागो लागोन आरो बे हाबाफारिया फेगो 29 आगस्टआव जागोन होना सुलुडव फोरमायदो।

सालबारिआव हारियारि दावराव-दावसि, जिनाहारि आरो ड्रग्सनि हेंथायै खुंथाया सांग्रांथियारि मेल खुंदो

(□ 1 बिलाइनिफ्राय) हेंथायै सालबारि महकुमा सदरआव थानाय लक्ष्मि मन्दिर लांगोनायाव सांग्रांथियारि मेल खुंथाय जादो। सालबारि महकुमानि महकुमागिरि निलतपल पाठकनि सामलायनायाव खुंथाय सांग्रांथियारि मेलआव बाक्सा जिल्लानि कमिसनार कृष्णा बरुवा, पुलिस बिबानगिरि उच्चल प्रितम बरुवा, सालबारि फरायसालिमानि गोरयुं डू जगत चन्द्र बसुमतरिमोनहा बिबुंथि होना सालबारि महकुमाजो लोगोसे गुबुन गुबुन जायगायाव जायखि-जाया रोखोमनि गोजोन गैयै दावराव-दावसि थासारि सोमजिया, बेनि थाखाय गासैबो हारि-हारिसानि गेजेराव गोजोन खौसेथिखौ थि लाखिनो उदाडै खावलायो। गुबुनफारसै बाक्सा जिल्लानि कमिसनार कृष्णा बरुवाआ गावनि बिबुंथियाव समाजआरि गोजोन, गोरोबलायनाय खौसेथिखौ थि लाखिनो खावलायनायजो लोगोसे ओन्सोलाव जायखि जाया सन्देह गोनां सिनायथिनो हायै सुबुं थाफेनाय नुयोब्ला खुंथायजो सुलाद लानानै फोरमायथि हरनो राइजो-राजाफोर गुबुन गुबुन दोलो आफादफोरखौ खावलायो। समाजआव ड्रग्स बाहायनाय, जिनाहारि खालामनाय जाथायखौ बन्द' खालामनायनि बिथिडव, हारियारि दावराव-दावसि सोमजियैनि थाखाय गासैबो हारियारिनि राइज्योफोर, दोलो आफादफोरनि बिबानगिरिफोरखौ सांग्रां जानोबो जिल्ला कमिसनार बरुवाआ गावनि बिबुंथियाव खावलायो। मख'नो गोनांदि, सांग्रांथियारि मेलआव सालबारि महकुमा पुलिस बिबानगिरि निलतपल शयकियाजो लोगोसे माखासे सोलौंथायगिरि, सान्थौगिरि, समाज सिबियारि, बर' थुनलाइ आफाद, एबसु, आमसु, आदिबासि फरायसा आफादजो लोगोसे गुबुन गुबुन दोलो आफादनि बिबानगिरिफोर बाहागो लाफेनानै ड्रग्स बाहायनाय, जिनाहारि खालामनाय, हारियारि दावराव-दावसि आरो समाजआरि नडे बायदि खामानिखौ गोखोडै हेंथा होनाय गुबुन गुबुन हारि-हारिसानि गेजेराव समाजआरि गोजोन, खौसेथि, गोरोबलायनायखौ थि लाखिनो उदाडै खावलायो।

बाक्सानि सिरालआव बिपिएफ-जिएसपिनि दैदेनगिरि-मावफारियाफोरा इउपिपिएलआव हाबफेदो

(□ 1 बिलाइनिफ्राय) धार फोसावदो। बेनि अनगायैबो जिल्लानि गुबुन गुबुन जायगायाव पुलिस आरो जिल्ला खुंथाया फ्लेग मार्च खालामनानै राइजो-राजाफोरखौ गिखानो नाडा होनायै खावलायहरो। लोगोसे जेबो रोखोमनि गुबुननिफ्राय खोनायाव बाध्राफोरखौ फोथायनो नाडा होनायैबो जिल्ला खुंथाया खावलायो। दिनें लंका खोजोना बेंखनि बेंखन बिबानगिरि अपरुपा बरगहाइनि दैदेननायाव काकि पुलिसआ काकिआव र'ड मार्च खालामो। लामाजो राइजो-राजाफोरखौ गोखो आरो सांग्राडै थानो थाखाय खावलायनाय माखासे सांग्रांथियारि हाबाफारि खुडे। सोरबाफोर सिनाय मोनै सुबुंखौ नुयोब्ला लोगो लोगोनो ओन्सोलनि पुलिसनो खोरं हरनो बेंखन बिबानगिरिआ खावलायहरो। गुबुन फारसैथिं, ह'जाइ जिल्ला खुंथाया आथिखालनि थासारिनि फारसै नोजोर होनाय सोरबाफोर सुबुडा जिल्लायवा समाज बेरेखा, धोरम बेरेखा एबा माहारियारि बेरेखा हाबा मावनायखौ नुब्ला उफ्रा जिल्ला बेंगिरि जयशंकर शर्मा, मबाइल नं 9864112238, उफ्रा जिल्ला बेंगिरि बनि इनाम साद्व, मबाइल नं 708692978, उफ्रा जिल्ला बेंगिरि स'नाक्षि ब्रह्म, मबाइल नं 9864329979 नम्बरआ जगाजग खालामनो खावलायहरो। बे बायदिनो उफ्रा पुलिस बिबानगिरि पल्लव तामुलि, मबाइल नं 9435053769 आरो उफ्रा पुलिस बिबानगिरि रुपम बरदलै, मबाइल नं 9127268812 आरो जिल्ला दवथाय सेलनि 6003256039 आरो 03674284022 नम्बरआव जगाजग खालामनो जिल्ला खुंथाया राइजो-राजाफोरखौ खावलायहरो।

रंजालि गथ'फोरनि सौरा

जुलिनि मन्दबआव थै....

बेसेबा गोबाव जाबायमोन मोजां मोनलाइनायनि आगान-नोबो मिथिगौ, सानैजो-सासे जिउ मोनसेयै हान्थिलांनयनि समायखिरा नो फेलें खालामलांबाय मिलननि मोखांखौ-दा आस'खान्दा।

बेसेबां आरो सहायबावोनो मोदैजो-खुदैजो बिखा सौगिलनाने दायो थैसाम खाफ'बबाय बिखायाव गाराय जाबाय अनजालि सेवफोरलांबाय आनि मिजिंफोरा दा सेवखा-सेवखा गिसिखालांबाय।

हरफिननाय स'नानि आस्थामखौ नायैनो मोनैनिफ्राय मोनखानायनि दुखुनि ज'खा स'हायनो हायै जानानै हन्ना-हन्ना गाबदो आं नो नो मिनदो नडसै आंखो नंखाय साजायनो हानाने (?)।

मानिबा दिखाराव नो रूखु-रूखु गाबबोला गोबानाय आनि बिखाया दा खंखला-खंखला, रनसाइनाय सिमानि लेखा बिलाइया दायो बारजो बिरसारलाबाय बेखौ खन्थुमनो नाजानाय नुनानै नो मिनदो नडसै फोथायखेबस'।

स'मायसारदो अनजालि नोखो दिनें जुलिनि मन्दबआव गोदान बे अनजालुजो, ख'नासे खोमसिनफ्राय आं नायहरखुमादो अन्थाव महरखौ नोनि बारावनो खुदुमहरदो।

जुलिनि मन्दबआव दिनें आं रजे आखायाव सिलाइ-गुलि लानाने नेनाने दं आं जोबथा बुब्लिखौ हाबासालिनि जै धोनिनि जोबथा रिसारनाया सिलाइ गुलिनि।

बयबो खारसारनाय हाबाथिलियाव गोजोनै दं आं हारसिडे-नोनि मोखाडव आनि खर'नि गोथा थैया सिरदावनानै रजे नोनि जुलिनि मन्दबआव गोसारहैबाय-आं दायो गोजोनै उन्दुलानोसे।

गलाप खुंगुर बसुमतारि बसगाव, कक्राझार

मिजिंनाय बादि

सोरबाफोर मोनजोबदो ना ? बोहैथि जिउ लामायाव गोरबोनि सानसिनयायखौ मिजिंनाय बादि

रैदोम बर', बाक्सा

हंवरारो

नो अनजालुखौ आडे खालामबाय बे जोनोमाव आलाइ सिलाइ अनानै नो आंखो निमाहा होदो आनि आनजाद नायनायाव नोखौ हमनो हाबाइदि थारिनो नोखे गोसो गोबोजो मोजां मोनो आंखो। नोनि नायनाइ नोनि जंखायनाय नोनि फाव फेसनफोरानो फोरमायबाय आंखो नो मोजां मोनो होनायै। नो जानाय नडमोन खोमा आनि फारसे एसेबां मोजां मोन्याय-जुदि आडे नोनि दंखायो होनायै सिगांडवोनो फोरमायखायो मोनबा, सानानै लाबाय गोरोन्थिया दाबो आनि। नो मालाइ माखौथो एसेबां मुहिनी नोखो आनि माबेखौ लानानै-गैया आंहा एसेबां समायना महर। गोसोआव गोरोन्थि सानानै दालासै नो अनजालुआ आनि फारसे-नाथाइ; आं लुबैयो नोखो लामा-सामा लोमो मोनोबा रायदावजानो, गोरोन्थिखौ गोरोन्थि साना लासिनो बेनो आनि आरज नो अनजालुनाव। जुदि, आंहा गैथायामोनबा बजबगौमोन नो अनजालुखौ अरायनि-होगौमोन आं नो अनजालुनो आनि बिखानि थार अन्याय मोजां मोनाइ। राहा गैया आंहा दिनें नोखो नेउसिनानयनि अनगायै जेबो। फेगो जोनोमाव लोमो मोनलाइथो आडे बेखौनो आसा मिजिं थिना थानोसै नो अनजालुखौ।

थरायना रसिम गयारी बिजनी गाल्स हाइस्कुल जिला- चिरां, बि.टि.सि (आसाम)

बै दाय सोरनि ?

दिनें हारि आरो हादोता गुस्लायनाय निफ्राय गुस्लायदो, साबसिन निफ्राय साबसिन जादो। आरो सुबुं माहारिया सोलौंथाइ गियान जो मेगन गुनुसिन जादो। नाथाय,इनाय अनगागर आखुयासो साबफासिनदो खायसे सुबुंफोरनाव। खायफाया थाखुमादो। खायफाया खारदो। खायफाया बारसोमदो। खायफाया गयाखै हाजासे नाजासेयावबो गोथारथि रैखा होनो। होजादो बै लासुनिया फोरजो गुफुर सोलेराव गोसोम गाब। जिउ आ जोबसादो ? खासि बिखि खायफाना ?। खायफाबा नोरजियायै थाना दं। थैसा जानाय बिफां बादि। खायफाया मानो बारसोमदो ? मानो जानादो अंग फानना ? मेगालय बेंगालद गुवाहाटीयाव थायै थायै !! आय ! मानो ? समादान खालामनोथ आवगायखाया, बैसोर लाजि गैयै खायसे गोदान इउदुबारफोरा बाइरल खालामनायनि अनगा। गावबा रायजोखौ खेबबैसे दुमजाखो हिसाब गैया। बिमा बिफा दंबाबो होला मान। सोर हानथिबोगोन सुसानो गोहो लाना बैसोर आयजोनि आंखाल अलखद। दाय सोरनि बैसोर सुबुंनिना बै सुबुंनि ? ना खाफालनि रेखा खा ? ना गिदित लेदार दैदेनगिरिनि ? ना राजखान्थि रांखाथिनि ? ना खायसे इउधुबार फोरनि ?

सनिया बसुमतारि गामि: ककिला (बनरगाव), बिस्वनाथ

आइयै

बेसे सुदेम बेसे गोजोन नोनि रैसुमै गोदे रावा आइयै, दुखु - दाहा, खैदां - खैफोदनि समावबो नोनि रैसुमै फंसे रावखौ खोनायोब्लानो गलिलांयो आइयै, दाहानि खाना थानाय गासै थैसामफोरा। हांमानि रोहो रोहो जोंखानाय अराबो गोमोरलांयो आइयै, नोनि रैसुमै गोदे फंसे राव खोनायोब्लानो। उरां - फारां बोदोर गोसोयाबो दिदोम जायो आइयै, नोनि रैसुमै गोदे फंसे रावखौ खोनायोब्लानो। नोनि रैसुमै गोदे गारांजो आलाउरि - बिलाउरि आर'ज गाबनायाव गोजोनगलायो आइयै, सोरजिगिरि आनान ग'सायाबो।

रकी नाजॉरि बर' बाजार सोलोसालिमा, चिरां

गावनि अनगा

माखासे आद्रा बाध्राफोरा गोसोनि फैनानै जेब्लाबो खुगायाव थाबथायो, रानखानाय गारामायाव खुदै मन नाने गोबां हरआ ओरेनो हलायै बारलाडे। मोदैया फेयो थारिनो मेगननि फैसालिसिम नाथाय गोरलैनो हाया थरथिं थरथिं...। थार मोजां मोत्राया जेन्नाडे जेब्लाबो संसारनि माया थिलियाव बुसोमजायो, रंगिना जायखरनि उनाव दाखा जोमै आवगायलांब्लाबो सौंसिनो हाया जायो। जो जेब्लायबो मोजां मोत्रायखौ बुजि हाया, बुजिरोडदि गोरबोनि मिजिंखो बायफलेहोदो गोदै सिमां नुहोनायै सिमफायलांदो....., ससे हान्थिफानानै आनत्रायलांदो आखाइ हमानायखौ नारसाना सोरबाया। थांखियानो दंसे ना थांखिनि माबा नेरसोन बबाव लाबोना नागरलांखो आंगो सान्राया..। दायनिगिरि जानांबाय आं नाथाय रावनिबो नड गावनि अनगा...., मानोना गावनि अनगा आं रावखौबो फोजोबसाडाखै।।

थुनि बसुमतारि कक्राझार

26 जानुवारीआव आंनि न’आवनो बमा बेरफ्रुहो, नांगौब्ला आंनो बिरलांथों: ड़ो हिमन्त विश्व शर्मा

सदनआव दिनें गुबुन गुबुन आयदाजों लोगोसे आलफा (उदां) खौं लानानैबो गिबि मन्थ्रिआ बे जरखा बिबुंथिजों खावलाय हरदों। गिबि मन्थ्रि ड़ु शर्मांआ बुंदोंदि, दिनें आं गिबि मन्थ्रि महैर दइ; गाबोन थानाय नइ। आं थैयोब्ला सोरहा मा खहा जायो? नाथाय दिनें जेब्ला जागिरडआव थरसे बमा बेरफ़ुयोब्ला मा जागोन? आं सदननिफ़्राय आलफा (उदां) नि गाहाइनिसिम खावलाय हरदों, आसामनि 19 लाख खामानि गैयैफोरनि सार्थआव नोंथाइ बाश्राफोरखौं सान्नानै नाय। नोंथांनि सोमावसारनाया मिरु सरकारजों होन्ना बिथाइ बुडे। गिबि मन्थ्रिआ खामानि गैयैफोरनि बाश्राखौं लानानै बुंदोंदि, 15 आगस्ट एबा 26 जानुवारीआव बमा बेरफ़ुहोयोब्ला टटया थॉफिनगोन। 26 जानुवारीआव आंनि न’आवनो बेरफ़ुहो। नांगौब्ला आंनो जिउ गोमाथों। नाथाय टटखौं आसाम नागारनानै थॉनो गोनां दजा होथों। गिबि मन्थ्रिआ बुंवावदोंदि, 26 जानुवारीआव बमा बेरफ़ु होनो नागिरदोंब्ला आंनो पुलिसखौं बुंगोन, मिनिस्यर्यनि कलनीनि फिन्डआव बमा बेरफ़ुहोनायाव होबथानो नाइ। बमा बेरफ़ुहो बेयाव आंहा अजद गैया।❑

बर’ बिजोंनि जेंनाखौं लानानै एबसुआ आसामनि सोलोंथाइ मन्थ्रि ड़ो रनज पेगुजों सावरायज्लायदों

बे सावरायज्लायनाय मेलआव आसामनि गुबुन गुबुन गोजौं थाखोनि मावखुं गिरिफोरजों लोगोसे बिट्सिनि सोलोंथाइ बिफाननि बिथोनगिरि जैपि ब्रह्मआबो बाहागो लायो। दिनेंनि बे सावराय मेलआव दुलाराय बर’ फरायसा आफादआ सोलोंथाइ मन्थ्रिनि खाथियाव माखासे गोनांथार दाबिफोर देखंदों जैरे- बिटिआर गोरोबथानि 6.3 दफा बायदियै बिटिआरनि बाइजोआव थानाय बर’ आरो असमीया बिजोंनि भेन्सार फरायसालिफोरखौं प्रभिनसियेलाइस खालामनाय, बिटिआरनि बाइजोआव थानाय बर’ बिजोंनि भेन्सार फरायसालिफोरखौं प्रभिनसियेलाइस खालामनाय, बर’ बिजोंनि हायरा सेकेन्डारि स्कुलफोरखौं फोजौखंडाय, बर’ बिजोंनि मडेल गोजौं फरायसालि गायसन्नाय, सनितपुर आरो बिस्वनाथ जिल्लानि गं 72 इजिएस फरायसालिफोराव फोरोंगिरि थिसन्नाय, उदालपुरियाव बड’लेन्ड इडनिभार्सिटि केम्पास लुफुंनाय, सेबाआव सासे एकाडेमिक अफिसार थिसन्थाइ होनाय, समग्र शिक्षा अभियान आसामआव बर’ राव सोलायगिरि थिसन्नाय, आसाम टेस्ट बुक प्रडाक्सन एन्ड पाब्लिकेशन कर्परसनाव सासे एकाडेमिक अफिसार थिसन्थाइ होनाय, 2023–24 सोलोंथाइ बोसोरनि थाखाय गुदि गेजर आरो गोजौं फरायसालियाव थाबेनो बिजाब जगायनाय, कक्राझारनि बिबि इन्जिनियारि कलेजआव गोदान बिफान सोसनांगीनि थाखाय दुलाराय बर’ फरायसा आफादआ आसामनि सोलोंथाइ मन्थ्रि ड़ु रनज पेगुजि खाथियाव दाखि देख्खो। बेनि अनगायैबो दिनेंनि बे मेलआव गुबुन माखासे सावरायज्लायनाय आयदाफोरनि गेजेराव दइ फारियै- थॉनाय 2021 माइथायनि 19 डिसेम्बरआव आसामनि गिबि मन्थ्रि ड़ु हिमन्त विश्व शर्मांजों जनता भवननि उथि प्लरआव थानाय सिएम कनपारेन्स हलआव सावरायनायाव ओंखारनाय माइनुट्स, थॉनाय 2023 इं माइथायाव आसामनि गिबि मन्थ्रि ड़ु शर्मांजों गुवाहाटीनि कारगुलियाव थानाय ब्रह्मपुत्र स्टेट गेस्ट हाउसआव सावरायबावनायनि उनाव ओंखारनाय माइनुट्सफोर, थॉनाय 4 डिसेम्बर 2023 इं माइथायाव आसामनि सोलोंथाइ मन्थ्रि ड़ु रनज पेगुजों जनता भवनआव सावरायज्लायनायाव ओंखारवावनाय माइनुट्सफोरजों लोगोसे थॉनाय 16 फेब्रुवारी, 2024 इं अक्टआव गुवाहाटी काहिलीपारायाव थानाय आसाम समग्र सिक्षानि कनपारेन्स हलआव सावरायज्लायनायाव नुजाबावनाय माइनुट्सफोरनि सायाव गुवारै सावरायज्लायनाय जायो। गुबयै दिनेंनि बे सावरायनाया बर’ बिजोंनि सोलोंथाइ जेंनाफोरखौं अरायथा महैर बोसॉनायनि सायावनो जानानै थाडे। सावरायनायनि गेजेरजों बर’ बिजोंनि जेंनाफोरखौं बोसॉनायनि फारसे आसाम सरकारआ रहा लागोनखौं सोलोंथाइ मन्थ्रि ड़ु रनज पेगुआ खोथा होदों आरो दिनेंनि बे सावरायनाया फिथाइ गोनं होदों होन्ना नैदेनगिरिफोर मिबथि होदों। बर’ बिजोंनि जेंनाखौं लानानै मन्थ्रि रनज पेगुजों सावरायनाय दिनेंनि बे हाबाफारियाव एबसुनि आफादगिरि दिपेन बर’जों लोगोसे बोसोनगिरि खुंखा स्वर्गियारि, लोगो आफादगिरि खोरेमदाव औंवारि, गाहाइ नेहाथारि खनिन्द्र बसुमतारि, नेहाथारि आनान्द देमारि, गेलेमु नेहाथारि रानेश बसुमतारि आरो सोलोंथाइ नेहाथारि सोमावसार बसुमतारिआबो बाहागो लादों।❑

कक्राझारनि माखासे मन्दिरफोराव एमपि जयन्त बसुमतारिआ सिबिथाय लाफैदों

दावबायफेनानै इसोरखौं सिबिथाय बाउनयनि थॉंखिजों फुजा सिबिथाय लाफैयो। मखुं'नो गोनांदि, एमपिनि बे हाबाफारिआव बिथॉनि बििसिआबो हेफाजाब होफानायजों लोगोसेनो बिट्सिनि गाहाइ मावफुं सोद्रोमा प्रमद बर’नि बोसोनगिरिनि क-अर्डिनेटर अशक गयारी, इउपिपिएल आइटि सेलनि क-अर्डिनेटर हान्थिगिरि नार्जरीमोनहा बिथॉंखौं हेफाजाब होयो। हाबाफारि बायदियै गिबियावनो कक्राझार सान्तिनाराव थानाय कालि मन्दिरआव सिबिथाय लानानै हाबाफारि बायदियै फारियै सहरनि गुबुन गुबुन मन्दिरआव सिबिथाय-आरज खालामो। जायनि उनाव बिथाइ कक्राझार प्रेस क्लबावआवबो दसे सम नुजाथि फैनानै खौंरगिरिफोरजों बाश्रा सावरायलायो। खौंरं बिजोंनि सिगाइव मन्दिरफोराव आसाम आरो भासति हारिमुखौं रैखाथि होनो आरो बेनो आसारखाथि होन्ना मखुं'नानै बे आन्सरखाथिखौं रैखाथि होनानै बिसायखुं'थिनि सिगाइव गुबुन गुबुन मन्दिरफोराव दावबायहेनानै इसोरनिफ़्राय बोर लादोंमोन आरो बिसायखुं'थियाव देहानायनि उनाव बे मन्दिरफोराव फिन दावबायफेनानै सिबिथायजों लोगोसे आरज खालामो। लोगोसेनो मन्दिर सामलाय आफादनि सोद्रोमाफोरजों सिनार्यथि लायो होन्ना मिबथिहोयो। बिटिआरआव फैगौं बिसायखुं'थिआव बिपिएफ आरो इउपिपिएलआ खौंसे जानो एबसुआ खावलायनाय आयदानि सायाव एमपिआ बुंदोंदि, राजखान्थियाव सुधुरबो गैया आरो लोगोबो गैया। राजखान्थिआव माब्लाबा सुधुरु आरो लोगोआ खौंसे जानो हागौं। बेयो समनि खावलायनायाव जातो हागौं होन्ना बिथाइ बुडे। नाथाय बेयो माबादि मोगथॉंआव महर लागोन बेखौं जों मिबथि मोना होन्ना बुडे। बेनि अनगायैबो गसाइगावनि तुलसिबिलआव सोमजिनाय जिनाहारि खालामनायनि सायाव एमपि जयन्त बसुमतारिआ दुथॉंफोर मोनफ़्रोमबो हारि-हारिसानि गेजेराव सासे-सानै थानो हागौं। गावनि गोसो बायदि, जेब्ला बेबादि रोखोमनि समाजनि आयेन बेरेखा खामानि मावयोब्ला आयेन बादियै साजा मोन्नाया गोनां। बिथाइ अखं आसामाव सोमजिनाय मित्रा आरो थगिबिनि गेजेराव दावराव-दावसि सोमजिनायाव जोडे खौंसेयै जेम्थायै जेब्ल्याबो थोनांगोन। बड’फा इउएन ब्रह्मआ बिबुंथि होलांनाय 'थॉना था आरो थॉना थानो हो' नेमखाथि मानिनानै सोलियोब्ला बेयाव दावराव-दावसि सोमजिनाय थासारि फैया होन्ना बिथाइ बिबुंथि लाखिदों।❑

बाक्सानि सिरालआव बिपिएफ-जिएसपिनि दैदेनगिरि-मावफारियाफोरा इउपिपिएलआव हाबफैदों

जिएसपिनि दैदेनगिरि-मावफारियाफोरजों लोगोसे माखासे समाज सिबियारिफोरा हाबाफारि बायदियै इउपिपिएलआव हाबफैदों। मखुं'नो गोनांदि, बागानपारा बियाबनि एमसिएलए आरो बिटिआरनि बुंथिगिरि खातिराम बर’जों लोगोसे इउपिपिएल दोलोनि फारसे थामोनथा फोरमार्यथिनानै इउपिपिएल सिराल गुदि आफाद ओन्सोलनि गुबुन गुबुन हारिनि गासै सा 109 बिपिएफ, जिउसपि दोलोनि हौवा-आइजो दैदेनगिरि-मावफारियाफोरजों लोगोसे समाज सिबियारिफोरा इउपिपिएल दोलोआव हाबफैयो। बेखौं लोब्बा लानानै इउपिपिएलनि मिरु मावफुं सोद्रोमा साधन बैश्यनि आफादगिरि मासि सामलायनायाव खुंनाय मेलआव गोदानै इउपिपिएलआव हाबफैनयफोरखौं गामसा, दोलोआरि नेसोंनजों बराय मान बाउयो बिट्सिनि बुंथिगिरि कातिराम बर’जों लोगोसे इउपिपिएलनि दैदेनगिरिफोरा। मेलआव बुंथिगिरि कातिराम बर’, इउपिपिएलनि मुसलपुर जिल्ला आफादनि खुंथायारि गाहाइ नेहाथारि दयाल शरनियाआ दोलोनि आफादयारि बिथिइव बिबुंथि होनायजों लोगोसे इउपिपिएलनि दैदेनगिरि फारियै सिरन्जित ब्रह्म, प्रिन्सकनेल बर’, उपर्ब दासमोनहा आलासि महैर बाहागो लाफैदों।❑

कामरुप जिल्ला दुलाराय बाथौं गौथुमआ गुवाहाटी बाथौंफुरिनि बाथौं

थानसालियाव आर’ज गाबनाय हाबाफारि बान्जयदों

बाथौंफुरिनि बाथौं थानसालियाव गोबां बाथौं थोरेम सिबियारिफोरखौं लानानै मोनसे आर’ज हाबाफारि लानायखौं नुनो मोन्दों। बाथौं थानसालियाव बोरइ बाथौनि सेराव आरो सिजौं बिफॉनि गुदिआव आलारि बाथि फोर्जोनानै, धुब-धुना सावनानै आर’ज मेथाइ रोजाबनानै मुलुग गोजोन, गावजों-गाव अनलायनाय खौंसेथि आरो जौगानायनि थाखाय आर’ज गाबो। कामरुप जिल्ला दुलाराय बाथौं गौथुमनि दिनेंनि बे आर’ज गाबनाय हाबाफारियाव खमेबो सा 500 सो बाथौं सिबियारि, दैरि, गोथारि, माइनाव थान्देफोरा बाहागो लादों। लोगोसे दिनेंनि बे आर’ज गाबनाय हाबाफारियावनो बाहागो लाफादों मिरु दुलाराय बाथौं गौथुमनि आफादगिरि सबराग बसुमतारि, गाहाइ नेहाथारि रानेश दैमारि, बुंथिगिरि गुनेस्वर स्वर्गियारि, आर’ज हान्जा दैदेनगिरि ब्रुहारम नार्जारि, बिकेडब्लिउएसिनि मावफुं सोद्रोमा प्रनब बर’, झालुकबारि आउट पस्टनि सामलायगिरि रजेन बर’, मिरु लाइमोन दुलाराय बाथौं गौथुमनि आफादगिरि रजेेश बसुमतारि, गाहाइ नेहाथारि रंजेन बसुमतारि, सान्जा कामरुप जिल्ला दुलाराय बाथौं गौथुमनि आफादगिरि कगेन दैमारिआबो बाहागो लाफादों।❑

दिपक कुमार बसुमतारिआ सुबुं फोनांजाबनि

उक्रा बिथोनगिरि महैर प्रमसन मोनबाय

बिथोनगिरिनि मासियाव बिबान आजावो। 1993 माइथायाव फोरमायथाय आरो सुबुं फोनांजाबनि जुनियर बिबानगिरिनि साखि मोन्ानै गसाइगावआव महकुमा फोरमायथाय आरो सुबुं फोनांजाब बिबानगिरि महैर थिसन्थाय मोन्नाय बसुमतारिआ बइइगाव आरो ग्वालपारा जिल्ला फोरमायथाय आरो सुबुं फोनांजाब बिबानगिरिनि मासियाव मावबिबान सामब्लायदोंमोन। उक्रा बिथोनगिरि मासिसिम फोजौखांजानायनि उनाव बिथाइ सुबुं फोनांजाबनि कक्राझारआव थानाय दखरा बिबानगिरिनि मावखुलियाव दखरा बिबानगिरि आरो बिट्सिनि गौथुमारि बिफाननि गाहाइ बिबानगिरि महैर आरो गोदान दिल्लीनि आसाम फोरमायथाय मिरुआव फोरमायथाय बिबानगिरि महैर रोग’थिजों खामानि मावदोंमोन। बेनि उनाव 2016 माइथायाव जथाय बिथोनगिरि महैर मासि फोजौखांजानानै गाहाइ मावखुलियाव बिथाइ रंग’थिजों खामानि मावगासिनो दंमोन।❑

कक्राझार जिल्लायाव 163 बिएनएसएस धारा फोसावदों

प्रदिप कुमार द्विबेदिआ बे धाराखौं फोसावनानै जिल्ला खुंथायनिफ़्राय सिगांग्रो गनायथि गैया लासेनो माहारियारि राजा लामायाव जायखि जाया हान्जा सुरनाय, खुद्रिसारनाय एबा होबथानाय, जिल्ला बेंगिरिनि मावखुलिनिफ़्राय 100 मिटार फारागथिनि गेजेराव सुबुंफोरनि ज’ जानाय, रइजोआरि जायगाफोराव सा 5 निरुइ बांसिन सुबुं ज’ जानाय, लोब्बा गोनां बिबानगिरिनि गनायथि गैया लासेनो रइजोआरि मेल, रैलि, खुद्रिसारनाय, रइजोआरि जायगाफोराव हाथियार आरो गुबुन खैफोद गोनां मुवा-बेसाद दिन्थिफुनाय-रोगानाय बायदिफोरखौं गोख्रौडे’ होबथानाय जादों। अदेबानि मावफुं बिजिरगिरि, पुलिस बिबानगिरि आरो रौखाथि हान्ज्या गाव-गावनि मावबिबान सामब्लायनायजों लोगोसे रेलवे स्टेसन, बास स्टेन्ड आरो गेबं टिकेट गोनां तेम्प’ स्टेन्डआव गाखोलांनाय सुबुंफोरखौं बे होबथानायनिफ़्राय रेहाय होनाय जादों। मखुं'नो गोनांदि, बे बिथोनमाया फैगौं समाव बोखॉनानै लाफिनायनि बिथोनमा फोसावजानायसिम गोहोमाव थागोन। बे बिथोनमाखौं मानियै’बा सिमफ़्रायग्राफोरनि हेंथायै आयेनआरि रहा लानाय जागोन होन्ना नै जिल्ला खुंथाया मिथिहोदों।❑

चिरां पुलिसआ उन्दै हिन्जावसाखौं जिनाहारि

खालामनाय दायनिगिरिखौं हमबाय

आगस्टखालि सानै कच-राजबंशि हारिनि उन्दै हिन्जावसाखौं फुस्लायना लांनानै जिनाहारि खालामनाय जहिरउद्दिन देवानखौं हमनो हायैनि अजद देखंदानानै सिदली पुलिसनि हेंथायै खुद्रिसारनानै पुलिस थानाखौं बेंखननानै सोमावसारदोंमोन। बिटिआर आक्रासु आरो सुबुं अन्साइ आइजो आफादनि बान्जानायनाय मावफुंनाय बे हाबाफारियाव बाहागो लानाय आइजो आरो ओन्सोलनि रइजो-रजाफोरा सिदली पुलिस थानानि पुलिसनो दायनिगिरिखौं हमनो थाखाय उफ़ायै 24 घन्ता सम थि खालामनानै होदोंमोन। नइब्ला चिरां जिल्ला बन्द खालामनो सांग्रॉथि होदोंमोन। बेनि गेजेरावनो बिटिआर आक्रासुनि मिरु आफाद, कक्राझार आरो चिरां जिल्ला आफादनि दैदेनगिरिफोरा मैया बेलासियाव चिरां पुलिस बिबानगिरिजों सावरायलायो। बिटिआर आक्रासुनि दैदेनगिरिया दायनिगिरिखौं थाबैनो हमनो दाबि देख्खो। पुलिस बिबानगिरिआ आक्रासुनि बिबागारिफोरनो दायनिगिरिखौं थाबैनो कागोन होन्ना नै खोथा होयो। जोबथारनायाव पुलसि बिबानगिरिनि नारसिन्नायाव उन्दै हिन्जावसाखौं जिनाहारि खालामनानै खारखुमानाय दायनिगिरि गामि रैखाथि हान्जानि आफादगिरि जहिरउद्दिन देवानखौं मैया हराव चिरां पुलिसआ हमनो हायो। पुलिसआ दायनिगिरिखौं जेरा खालामनानै जाथायनि सायाव संदान्नाय हाबाफारिखौं सोलिहोगासिनो दं। सिदली ओन्सोलनि रइजो-रजाफोरा दायनिगिरिखौं हमनो हानायाव गोजेंनाय फोरमायनायजों लोगोसे दायनिगिरिनो गोख्रों साजा होनांगौनि दाबि देख्खो।❑

कचुगावआव फबना दोन्नाय थासारियाव गोवां

बिबुंनि हाथियार बोखॉनो मोन्दों

रिंगासोआव युडेमपुर हाग्रायाव सिग्रोम हाबाफारि लायो। पुलिसनि सिग्रोमनाय हाबाफारियाव फबनानै दोन्नानै थासारिनिफ़्राय गासै गं दाइन सिंगल बेल रइफ्लखौं प्लास्टिकजों बोनधुमनाय थासारियाव बोखॉनो मोनो। कक्राझार जिल्लानि उक्रा पुलिस बिबानगिरि (क्राइम ब्रान्स) पृथिराज राजखुं'वानि दैदेन्नायाव सिग्रोमनाय हाबाफारियाव गसाइगाव महकुमा पुलिस बिबानगिरि दिरेन कुमार डेका आरो कचुगाव पुलिस थानानि बिबानगिरि, पुलिस जवानफोरा बाहागो लायो। बोखॉनो मोन्नाय हाथियारफोरा आयेन बेरेखा फ्लान एबा उतखारि हान्जाफेरनि होन्ना नै सन्नाय जादोंब्लाबो बे खौंरंखौं किल्लाय समसिम पुलिस खुंथाया बेनि सोमोन्दै जेबो फोरसायथि होयाखै।❑

रडियाआव स्मार्ट मिटारखौं बन्द खालामनो

दाबिनानै आसुआ सोमावसारदों

मावखुलिनिफ़्राय रडिया गोजौंसिन गेजेरारि फरायसालिनि मोखांजों रडिया सहरनि गेजेरजों आसुआ हान्जा सुरनानै सोमावसारनाय हाबाफारि खुडे। फरायसा आफादनि मावथिपोरा गोहो बिफाननि हेंथायै बायदि रोखोमनि स्ल’गानजों एपिडिसिएलनि मुसुखा लानानै गोख्रों सोमावसागो। बे सोमावसारनाय हाबाफारियाव आसुनि सोमावसारगिरिफोरा सक्कार बेरेखा स्ल’गानजों रडिया सहखौं मोमखॉं होयो। सोमावसारनायनि उनाव एपिडिसिएलनि मुसुखाखौं साननानै बरलिया दैसायाव भासायहरो। बे सोमावसारनाय हाबाफारियाव रडिया आसुनि दैदेगिरि लफिकहिन आहमेद, भबन्ज्यति डेकारजों लोगोसे आसुनि गोबां मावथिफोरा बाहागो लायो।❑

हिन्दुफोरा मुसलमानखौं बरायनानै लायो, नाथाय मुसलमानआ बरायनानै लाया : गिबि मन्थ्रि ड़ु शर्मा

दानिया हिन्दु गैया। हाज’नि कलिताकुसिआव दानिया कलिता मानसियानो गैला। मुसलमाननि सुबुं सानखोया बांसिन आरो हिन्दुआ खारलांदों।जोनोम आरो थैनायनि अनगायैबो हिन्दुनि खारलांनाया मोनसे गोनांथार आयदा। खारलांनाय आयदाखौं आं थॉनाय थाम खावसे बोसोराव नुनो मोन्दों।'' लोगोसे गलाघाट, लक्षिमपुर, जहातआव मित्रा मुसलमाननि अन्जिमाया बांदों। हिन्दु मैखोम ओन्सोलाव मुसलमाननि अन्जिमाया बांदों। सदनआव गिबि मन्थ्रिआ बुडोदि, हिन्दुआ मुसलमानखौं बरायनानै लायो, नाथाय मुसलमानफोरा बरायनानै लाया। मुसलमानखौं रावबो इनाय-अनगारि खालामाखै। जौंनि हिन्दु एमएलएफोरा मुसलमानफोरखौं रैखाथि होयो। मुसलमान एमएलएफोरा हिन्दुफोरखौं रैखाथि होयो ना होन्ना नै गिबि मन्थ्रिआ सोंथि सोहो। फिन आसाम सोमावसारनाय बायदि थासारि सोमजिनो हैयैनि थाखाय बे सदनआ राहा लागोन होन्ना नै सदनआव गिबि मन्थ्रिआ फोरमायो। गिबि मन्थ्रिआ बुडोदि, मुसलमान एमएलएफोरा 18 बोसोर बैसो सिंनि हिन्जावसाफोरा हाबा जानो नाइ होन्ना बुंब्लानो मुसलमाननि गेजेराव 18 बोसोर बैसो सिंनि हिन्जावसाफोरा हाबा जाया। जौंनि ट्राइबेल मानसिपोरा सानै हाबा लाया। बर’ मानसिनि न’याव सानै बिसि नुनो मोना। हिन्दुफोरा गोबां हाबा लायो होन्ना नै बेरेखा हान्ज्या बुंबाय थायो होन्ना नै बिथाइ बुडे। गोबां हाबा लानायखौं बन्द खालामनायनि बिथिइव मानो हेफाजाब होया होन्ना नै सोंथि सोंनायजों लोगोसे हिन्दुफोरखौं रैखाथि होनो थाखाय गिबि मन्थ्रि ड़ु शर्माआ मुसलमान एमएलएफोरखौं खावलायहरो।❑

आदारनि आंखालआव उदालगुरि हाग्रानि मासे मैदेर फिसाआ जिउ खहा जानांदों

जानायखौं बुधामनो थाखाय गोब्राब खस्थनि गेजेरजों माइ आबाद मावो। नाथाय भुयन एबा गंगार हाजोनि गुदु हाग्रायाव आदारनि आंखालआव सम आरो बोथोरखौं नायनानै गामि फारसे ओंखारबोनाय हाग्रानि मैदेरनि उदखरआ सानफा-एफा बांबोगासिनो थानायखौं नुनो मोनबोबला थानाय समनि गेजेरावनो थॉनाय हरनि समाव माखासे मैदेर फालोआ उदालगुरि जिल्लानि सिइव थानाय माजुली साहा बागानआव बिमाजों लोगोआव थाफानाय मासे 2 दान बैसोनि मैदेर फिसाआ बागाननि सोरगिदिं जावदिंनाय हाखरआव गोगलैना सिखारफिन्नो हायैआव थैनो गोनां जादों। फुंबिलि समावनो जाथायखौं ओन्सोलनि सुबुंफोरा ननै फरेस्ट रेन्जसिम मिबथि होनार्यनि उनाव रेन्जार अनुप नार्जारिनि दैदेन्नाय हाग्रा बिफाननि मोनसे मावफारिया हान्ज्याया जाथाय थिलियाव नुजाथिफेनानै थैनाय मैदेरनि गोथौ सहखौं बोखॉंनानायजों लोगोसे जुनाद बिफाननि देहा फाहामगिरिनिसिम दैथायहरो। साखाथियाव थानाय हाग्रा ओन्सोलाव जाग्रा आदारनि आंखाल नुजांथिनय, हाग्रा-बंग्राफोरखौं दानसॉनानै लानदां खालामनाय, लोंग्रा दैनि आंखाल, मैदेरनि फलान खालामग्रा सुबुंफोरनि उदखर आरो गोबां बायदि जेंनाफोरनि थाखाय गामि फारसे ओंखारबोनानै बेबायदि सानफा-एफा हाग्रानि मैदेर फालोआ थैनो गोनां जादों होन्ना रेन्जार अनुप नार्जारिआ मिबथि होदों। बेराफारसे साहा बागानफोराव सोरगिदिं जावदिंनाय सिमनानि हाखरआ इंग्रजि हांखोनि भि महर जानांगौनि जायगायाव थोंगोर महर जावनायनि जाउनाव मैदेरआ हाखरआव खेबसे गोग्लेलाडैब्ला बेनिफ़्राय सिखारफिन्नो हायैआव थैनो गोनां जाबोदों आरो थॉनाय हरनि समाव थैनाय मैदेर फिसानि बेलायावबो बे जाथाया सोमजिदों होन्ना नै रेन्जारआ फोरमायथियो। बेराफारसे साहा बागानआव हाखर जावनायनि बेलायाव गोबां खेव जिल्ला बेंगिरि, साहा बागाननि बिगोमा आरो हाग्रा बिफाननि गोजौं थाखोनि मावफारियाफोरनि गेजेराव सावरायज्लायनाये जादोंमोनब्लाबो दिनेंनि बे सानआव सावरायनाया फिथाइ महर मोनाखै होन्ना नै फोरमायनायजों लोगोसे बेनि सायाव मा रहा लानाय जागोन बिफाननि गोजौं थाखोसिम खौरं दैथायहरनाय जागोन होन्ना नैबो रेन्जार अनुप नार्जारिआ फोरमायदों। सानफा-एफा बेबायदिनो हाग्रानि मैदेरआ आदारनि आंखालआव गामि फारसे ओंखारबोनानै गावनि जिउखौं खोमनो गोनां जायोब्ला फैगौं समाव मैदेरनि अन्जिमाया बाइइ जाहैगोनखौं दिनेंनि जाथायखौं नायबिजिरोब्ला हमदानो हायो आरो फैब्राय थानाय समाव मैदेर आरो मानसिनि गेजेराव सोमजिनाय दाइबाजि आरो मैदेर थैनायखौं होबथानायनि सायाव बिटिआरनि हाग्रा बिफानआ मा रहा लायो बेयो साननो गोनां बाश्रा जानानै फेदों।❑

डिमाकुसि आरो माजबातआव गोदानै लुनाय दोंथाम लामा बेखेवदों

लामाबारिनि प्रेम बस्तिनि बे लामा लुनायानो गिबिसिन् बिशॉंखि। फैगौं समाव माजबात ओन्सोलाव पाक्का लामा लुनानै जौगाथायनि खामानि मावलांगोन होन्ना नै बिथाइ बुडे। गुबुन पारसैथि, डिमाकुसिनि हातिमार गामियाव आरो प्रजॉ बस्तिआवबो गोदानै लुनाय दौंनै लामाखौं बेखेवनानै होयो मावफुं सोद्रोमा अमृत बेकआ। दिनेंनि लामा बेखेवनाय हाबाफारियाव बिट्सिनि टिडिब्लिउसिनि सोद्रोमा रिमिस लिन्दा, पानिका समाजनि बाररा’ नेहाथारि भला पानिका, प्रेम बस्ति गुदि फरायसालिनि गाहाइ फोरोंगिरि रमलाल पानिका, फालांगिरि हेमेन हाइनारि, कृष्ण नार्जरी आरो तितास मोनहा बाहागो लायो।❑

दुलाराय बर’ आइजो अन्साइ आफादआ तुलसिबिलनि जिनाहारि

खालामनाय जाथायखौं गोख्रों रावजों सोंखारिदों

अन्साइ आफादआ खुंथाइनिसिम दाबि देखंदों। बेजों लोगोसेनो रादाव बिबुंसारनि गेजेरजों कक्राझार जिल्ला आबोफआ गासै बर’ रइजो-रजा आइ-आफा आरो नखुं'रनि साफ़्रोमबो दिथागिरिफोरखौं गाव-गावनि गथ’-गथाइ आरो फिसाफोरखौं मोजाडे’ जोथोन लानो आरो नोजोर लाखिनो थाख्खा खावलाय हरदों। जाहाथे बेफोरबायदि समाज बेरेखा गिथावना जाथायनिफ़्राय जानगाराव थानो हायो आरो रैखाथि मोनो। मखुं'बानाय जायोदि, कक्रझार जिल्ला दुलाराय बर’ आइजो अन्साइ आफादआ तुलसिबिलनि जिनाहारि खालामनाय जाथायजों भुगिनांनाय हिन्जावसाफोरनि नखुं'रआव थॉनानै खौरं लाहैदों।❑

बिजनी सोलोंसालिमायाव सानजारां लक्षेस्वर ब्रह्मनि थैनाय सान फालिनो साखा-फारा

थैनाय सानखौं फालिनो साखा-फारा जादों। फैगौं 1 आरो 2 सेप्टेम्बरआव साननैनि मेहेर गोनां हाबाफारिजों जिल्लानि अनगायैबो गुबुन जिल्लानि गुबुन गुबुन गोजौंसिम गेजेरारि सोलोंसालि, फरायसालिमा आरो मुलुग सोलोंसालिनि बर’ फरायसाफोरखौं लानानै खुंगु 33थि सानजारां लक्षेस्वर ब्रह्मनि थैनाय गोसोखां सान फालिनो लानाय जादों। हाबाफारि बादियै गिबि सानखालि थान्दै नाजवानया, जायगायावनो लिरनाय थुनलाइयारि बादाय्लायनाय, खन्थाइ आवायनाय बादाय्लायनाया जागोन। गिबि सानखालिनो ‘समाजारि बिजोंआ गोगो समाज दानायाव हेफाजाब होदों’ आयदाखौं लानानै बाश्रा दान्थे बादाय्लायनाय, सोंगाब बादाय्लायनाय आरो हारिमु बादाय्लायनाय जागोन। गुबुन फारसेथि नैथि सानखालि बिजनी सोलोंसालिमा बर’ थुनलाइयारि आफादनि आफादगिरि ड़ु उमानन्द बसुमतारीआ आफादनि फिरफिलारखौं बिरहोगोन आरो सानजारां लक्षेस्वर ब्रह्मनि सावगारियाव बिबार बाउजेनगोन देबेन चन्द्र ब्रह्मआ। बेनि उनाव बेखिनो सोलोंसालिमानि गोरारु ड़ु बिरहासगिरि बसुमतारीआ ‘सानजारां’ मुनि इन्जुर लाइसिखौं बिबिना होगोन। हाबाफारियाव थिखानाय बादियै बिजनी सोलोंसालिमानि बर’ बिफाननि गाहाइ ड़ु गोगोम ब्रह्म कछारिनि मासि सामलायनायाव ‘बर’ थुनलाइयाव सानजारां लक्षेस्वर ब्रह्मनि बिहोमा मोनसे सावरायनाय’ आरो ‘आथिखालनि गोगो बर’ समाज दानायाव लाइमोनफोरनि बिबान’ आयदाखौं लानानै सावराय जुधुमनि हाबाफारियाव थि खालामनाय जादों। हाबाफारिनि गेवलां मेलखौं बेखेवना होगोन बिटिआरनि मावफुं सोद्रोमा धनन्जय बसुमतारीआ। ‘आलारि’ मुंनि लाइसिखौं बेखेवना होगोन एम एल ए अजय कुमार रायआ। हाबाफारियाव गाहाइ आलासि महैर मिरु बर’ थुनलाइ आफादनि गाहाइ नेहाथारि निलकान्त गयारि, जर’खा आलासि महैर बिटिआरनि गाहाइ खुंगिरि प्रमद बर’, थॉंखिजानाय बुंथिगिरि महैर मिरु एबसुनि लेइइ गाहाइ नेहाथारि दिनेस ब्रह्म आरो गोबां सानसुमैगिरि, दैदेनगिरिफोरा बाहागो लागोननि बाश्रा। मखुं'नो गोनांदि, सानजारां लक्षेस्वर ब्रह्मनि थैनाय सान फालिनाय हाबाफारियावनो खुंजानाय बायदि बादाय्लायनायाव साबसिन बादायारि सोलोंसालिमानो ‘सानजारां’ देरहासात बान्था, साबसिन आब्रुथि दिन्थिनो हानाय सोलोंसालिमानो ‘बोरेन्गिरि बसुमतारी आब्रुथि बान्था’ आरो हारिसिडे’ बांसिन बाध्या मोनगिरिनो साबसिन बादायारि बान्था गथायनाय जागोन। गुबुन फारसेथि, सानसेनि हाबाफारिजों 31 आगस्टखालि बिजनी सोलोंसालिमा दालाइ एबसुनि सर्नाथि माइथाय फोरबो फालिथाइबो खुंनो साखा-फारा जादों बिजनी सोलोंसालिमा दालाइ एबसुआ।❑

सरकारि फाहामसालियाव सासे खुदियानि जिउ गोमान

'स्त्रि 2' सावथुना 12थि सानसिमावबो नायगिरिफोरनि दोहौ जादों

'स्त्रि 2' सावथुन सल'आ गोबां सुबुंफोरनि गोसोखौ देरहानो हादों। थिएथारफोरव सुबुंफोर भिविक आरो बिथानि लोगोफोरनि डालगनि सायावबो मिनदों आरो गर गजआबो सुबुंफोरखौ जोबोर गिहोदों। 15 आगस्टआन सिनेमाहलफोरव रिलिज जानाय बे सावथुननि जागायनाया नख'रारि बक्स अफिसआव जोबोर मोजां जादोंमोन। 76.5 कौटि रॉनिफ्राय जागायनाय अमर कौशिकनि हरर कमिडि सावथुनआ गिबि आरो नैथि उडकेन्डआव बक्स एफिसआव जोबोर दोहौ सोमजिहोदोंमोन



आरो नायै नयैनो डमेस्टिक बक्स अफिसआव 11 साननि गेजेरव 400 कौटि रंखौ बारनो हादों। अदेबानि आथिखालाव

सावथुननि नैथि समबारनि रिजाल्टआ सोराडव फैबाय, जायखौ नायनाय नोंथांमोनहा गोमोनो हागौ। रबिबारआव स्त्रि

2 आ नख'रारि बक्स अफिसआव सिंगेल डेआव गासै 40 कौटि रॉनि फालांगि खालामदोंमोन। समबारआवबो

गोबां सुबुंफोरा जन्मष्टमिनि बन्द'मोन, जायखौ नायनाय बेखौ हमदांनो हायोदि, समबारआवबो सावथुननि फालांगिआ जोबोरनो मोजां जागोन। नाथाय बेबादि जानायखौ नुनो मोनाखै। श्रद्धा कापुर आरो रजकुमार रवनि सावथुननि समबारनि रां आरजिनाया सोराडव फैबाय। रिपर्टनि बायदिब्ला, बे सावथुनआ समबारआव गासै 20.20 कौटि रॉनि फालांगि खालामदों। बेयो फाइनाल अनजिमा नडा, बे काले कशनआव दाबो दावखोवाय-दावखलायलाय सोलायनाया जानो हागौ। जन्मष्टमिनि जाहोनाव सावथुननि बेलासिनि स्व'आव जोबोर इम्पेक्ट जादों। 12थि सानाव स्त्रि 2 नि गासै कालेकशनआ 421.85 कौटि रॉसिम सौहैबाय। अदेबानि आथिखालाव बे सावथुनआ 450 कौटि रॉनि कलाबआव बाहागो लानो थाखाय थियारि जाबाय। अभासरिज माकैटआवबो सावथुनआ 85.5 कौटि रॉनि फालांगि खालामबाय। वर्ल्ड वाइड बे सावथुननि आरजिनाया 560 कौटि रॉसिम जाहैबाय।

जुनियर एन्टिआरनि सावथुन 'देवरा पार्ट 1' आ 27 सोप्टेम्बरआव सिनेमाहलफोराव नुजानो हागौ!



मिडियाआव देवरा पार्ट 1 नि लेटेस्ट पस्टरखौ शोयार खालामनाय जादों। पस्टरआव जुनियर एन्टिआरनि गिखंथाव फावखौ नुनो मोन्दों। बेखौ शोयार खालामनाय के प्शनआव लिरदोंदि, गिनायनि मोखां। पस्टरआव जुनियर एन्टिआरनि इनटेन्स लुक आ अन्सायगिरिफोरनि एक्साइटमेन्टखौ बारायहोदों। नाथाय बयनिखुड बांसिन नोजोर बोनाया पस्टरआव फावखुंगुरनि लुक आ डबल। मोनसेआव जुनियर एन्टिआरनि खानाय गुप्तुं आरो गुनुन मोनसेयाव खानाया इसे गोलाव। बेखौ नुनै अन्सायगिरिफोरि आन्दायदों। जुनियर एन्टिआरनि देवरा पार्ट 1 सावथुनआ बे बोसोरनि 27 सेप्टेम्बरआव सिनेमाहलफोराव तेलुगु सावथुनाव मुलुग देब्यु खालामदों। बे सावथुनाव सेफ आलि खानआ भिलेननि फाव दिन्थिदों।

करताला शिवानि डायरेकशनआव बानायनाय सावथुन 'देवरा पार्ट 1' नि क्रे जिआ सानफ्रोमबो बारायगासिनो दड। गोबां केब रिलिज अक्ट फासयनायनि उनाव गमायायैनो सावथुनआ फैगौ गानआव सिनेमाहलफोरव नुजाथिगोन। सिगांनिफ्रायनो सावथुनखौ लानानै नायगिरिफोर जोबोर एक्साइटै जाना दडआरो

मेकासफोरबो नायगिरिफोरनि उसु-खुथु जानायखौ बांहोदों। बावैसो सिगां, सावथुननि लेटेस्ट पस्टर शोयार खालामदों। देवरा पार्ट 1 नि रिलिज डेटआ गोबां खेब फासयदों। गिबियाव सावथुनखौ एप्रिल दानआव रिलिज खालामनो गोनांमोन। उनाव मे दानआव आरो बेनि उनाव 10 आक्टबरआव फाइनालनि रिलिज अक्टखौ

एनाउन्स खालामबाय। अदेबानि आथिखालाव सावथुनआ सेप्टेम्बरआव सिनेमाहलफोरव नुजाथिगोन। युवासुधा आरो एन्टिआर फावखुंगुरनि बेनारसिम बानायनो थानाय सावथुननि रिलिजनिफ्राय थिग दानसे सिगां मोनसे पस्टर फोसावनाय जादों, जाय अन्सायगिरिफोरखौ इसे कन्फिडज खालामदों। बबेखानि 27 आगस्टआव सश्ल

फावखुंगुर चियान भिक्रमआ आइजो रैखाथिखौ लानानै माखासे गोखौं बाथ्रा फोरमायदों

कलकातानि देहा फाहामसालिआव ट्रेनि आइजो डाक्टरजों लोगोसे जानाय जिनाहारि आरो बुथारनाय जाथायजों हादतआ दासिमबो सुगलायाखै, नाथाय बावैसो रिलिज जानाय हेमा कमेटिनि रिपर्टआ दावराव-दावसि सोमजिहोदों। हेमा कमेटिनि रिपर्ट फैनानयनि उनाव माखासे फावखुंगुरिफोरा मालायालम सावथुन मुलुगजों लोब्बा थानाय मुंदांखा फावखुंगुर आरो बिथोनगिरि-दिहूनिगिरिनि सायाव जिनाहारि खालामनायनि दाय जाबसिन्दों। गासिबो हादतआवनो बे समाव कलकातानि आइजो डाक्टरखौ जिनाहारि खालामना बुथारनाय जाथाय आरो हेमा कमेटिनि रिपर्टनि सायाव सावरायनाया



सोलिगासिनो दड। बे जाथायफोरा फिन खेबसेबाव आइजो रैखाथिनि सायाव सॉलु दिखाडे। बावैसो सिगां मुंदांखा साउथनि फावखुंगुर चियान भिक्रमआबो आइजो रैखाथिखौ लानानै गावनि दुखुखौ फोरमायदों आरो बुंदोंदि, साफ्रोमबो आइजोफोरनि रैखाथिखौ हमदां होनाया गोनांथि, अदेबानि बेयो मोनानि

3:00 रिगासोआवबो लामायवा थाया मानो। बिथाड मोनसे इन्टरभिडआव बुंदोंदि, साफ्रोम आइजोफोरखौ गाव गावनि रैखाथिखौ हमदां होनाया गोनांथि। बिसेरो फुंभिलि 3:00 रिगायावबो लामायवा थाबायनो थाखाय सांग्रां जानांगौ आरो बिसेरो हमदां नांगौदि बिसेरो थाबायनो हायो, न'आव थानो हायो आरो रावबो बिसेरखौ

जेषो खालामा। बेफोरबायदि जाथाया मुगैथावना। चियान भिक्रमआ गावनि सावथुनफोरव आइजो रैखाथिनि जाथायखौ जेब्लाबो बोखानायनि सोमोन्दै सानो। फावखुंगुरआ आरोबाव बुंदावदोंदि, जाय जाथाया जागासिनो दड, बेफोरो जीनाव गोहोम गोखौं। फावखुंगुर चियान भिक्रमआ तामिलजों लोगोसे मालायालम सावथुन मुलुगआवबो खामानि मावखांबाय। 15 आगस्टआव रिलिज जानाय सावथुनआ बक्स अफिसआव मोजां रां आरजिनायासिनो दड। सेक्लकनि बादिब्ला, 12 सानआव सावथुनआ खालि साउथआवनो 43 खौटि रॉनि खाथिसिम खामायनो हादों। सावथुनआ 30 आगस्टआव हिन्दीआव रिलिज जागोन।

हार्दिक पान्डेयाजों गावस्त्रा लायनायनि उनाव नाताशा स्टेनकभिकआ इनस्टाग्रामआव मोनसे पस्ट होदों



नाताशा स्टेनकभिक आरो हार्दिक पान्डेयाआ ग्लेमार् वर्ल्डनि बयनिखुडबो फसायजाथाव जरानि गेजेरव मोनसे। नाथाय थानाय माखासे समनिफ्रायनो बिसेरनि गावस्त्रा लायनायनि खौरनि गेजेरजों बे बोसोरनि जुलाइ दानआव हार्दिक आरो नाताशाआ मोनसे

स्टेटमेन्टनि गेजेरजों एनाउन्स खालामदोंदि, बिसेरो गावस्त्रा लायसिगोन। नाताशा स्टेनकभिक आरो हार्दिक पान्डेयानि गावस्त्रालायनो नागिरनाय खौराड गावसिनि अन्सायगिरिफोरखौ गोमोहोदों। सानैबो रैखा खालामनो थाखाय जोबोर नाजादोंमोन, नाथाय

सोमोन्दोआ मोजां जानायनि लामायवा फैयाखै। बेनिखानो सानैबो गोब्राव थॉखि लानो गोनां जादों। गावस्त्रा लायनाय खौरनि उनाव नाताशा स्टेनकभिकआ साबियाआव थाडे। अदेबानि आथिखालाव हार्दिक पान्डेयानि मुंखौ ब्रिटिश दैखोगिरि जेस्मिन वालियाजों सरजाबगासिनो दड। बेनि गेजेरजों नाताशाआ मोनसे पस्टनि गेजेरजों मोजां मोनानयनि गुबै ओंथिखौ मिबथि होदों। नाताशा स्टेनकभिकआ इनस्टाग्राम स्टरिआव मोनसे कट शोयार खालामदों। बेयाव लिरदोंदि, मोजां मोनानाया धर्ज हमनाय, मोजां मोनानाया अनसुमा। बेयो

मेगन साया, बेयो अहंखार खालामा। बेयो गुबुनखौ अफमान खालामा, बेयो सेलफिस नडा। बेयो गोरलैयै खुद्रिया, बेयो गोरेश्विनि जेबो रेकड लाया। मोजां मोनानाया गात्रिजों खुसि जाया, अदेबानि सैथोजों शान्ति जायो। बेयो जेब्लाबो रैखा खालामो। जेब्लाबो फोथयो, जेब्लाबो आसा खालामो। मोजां मोनानाया माब्लाबाबो फेलें जाया। रिपर्टनि बायदिब्ला, हार्दिकआ गावनो गाव खुसि आरो जोबोर देखायसुला। बेबादि आखुखौ नाताशाआ सहायनो हायाखै। बिथाडा हमदांथिदोंदि, सानैनि गेजेरव गोबां फारागथि दड।

सुरज बेन्जरा मुदुनि खुद्रिथावना सौलुखौ अन्जली आमिरया गोसो हमथानो हायाखैमोन

सावथुन मुलुगाव कार्स्टि काउच आरो आइजोफोरनि सायाव दिन्थिनाय आखुखौ लानानै जेब्लाबो बाथ्रा सावरायनाय जाबाय थायो। अदेबानि दा हेमा कमेटिनि रिपर्टनि गेजेरजों सोरांआव फेनाय बे बाथ्राखौ नंगौ बायदिबो मोन्दों। थानाय माखासे सानाव मालायालम सिनेमानि मुंदांखा फावखुंगुर, प्रडिउसर्स आरो



डायरेक्टर्सनि बेरेखायै फावखुंगुरिफोरा बेखेवना बाथ्रा

बुंदों। अदेबानि दा बे समाव सासेबाव मालायालम फावखुंगुरनि मुंआ सोरांआव फेदों। बलिउडनि फावखुंगुर सुरज बेन्जरा मुदुनि मुंआ हेमा कमेटिनि रिपर्टनि गेजेरजों सोरांआव फेदों। गावनि रॉग'थि फावजों मुंदांखा जानाय आरो 'बिग बस मालायालम'आव नुजाथिखानाय चुकि अन्जलि आमिरआ मिबथि होदोंदि, फावखुंगुर सुरजआ बिथांखौ मा बुंआमोन। इन्डिया टुडेनि रिपर्टनि बायदिब्ला, अन्जलिया मोनसे इन्टरभिडआव मिबथिहोदोंदि, बिथांआ माब्लाबाबो ट्रेमेटिक हमदांनायखौ मोगा-मोगि खालामनाडाखैमोन। नाथाय सुरज बेन्जरा मुदुआ सानसेखालि

बिथांखौ एरैबायदि बुंदोंमोनदि, जायखौ खोनानानै बिथांआ गावनि रागाखौ हमथानो हायाखैमोन। मिबथि होनाय जादोंदि, अन्जलीनि जोनोमा हौवानि महरव जादोंमोन, नाथाय बिथांआ हमदांदि, बिथांआ हौवानि महरव हिन्जावसो। बिथांआ गावनि जेन्डारखौ सोलायना लादोंमोन। हेमा कमेटि रिपर्टनि गेजेरजों फावखुंगुर सुरजखौ लानानै जाय बाथ्राया सोरांआव फेदों, बेनो जादों, बिथाडा सानसेखालि अन्जलिनाव सोंदोंमोनदि, मा ट्रांसजेन्डर्सआबो आइजोफोरनि बायदि प्लेजार फिल जायो नामा? अन्जलिया मिबथिहोदोंदि, बे सौलुखौ खोनानानै बिथांआ एरैबायदि रागा जोंदोंमोनदि, बिथांआ फावखुंगुर मामुट्टि आरो सासे डायरेक्टरोनो खिथा हैदोंमोन। बेनि उनाव सुरजआ बिथांनाव निमाहा बिदों आरो फिन माब्लाबाबो बिथांजों बे बायदि सौल' एबा बाथ्रा सावरायखैमोन।

'भेदा' सावथुननि बक्स अफिसआव रां आरजिनाया समबारखालि दावखलायदों

बे बोसोरनि उदासि सानआव जन आब्राहाम आरो शरबरि भाद स्टारनि 'भेदा' सावथुना रिलिज जादों। एक्शनजों बुंफबनाय बे सावथुना 'स्त्रि-2' सावथुननि दोहौ सोमजिहोनायाव दासिम जेबो मोजाडे दिन्थिनो हायाखै। अदेबानि सावथुन नायगिरिफोर शरबरि, बिलेन अभिषेक बनेजों आरो जननि एक्शन सिक्वेन्सखौ थारैनो बाखायदों। अब्लाबो निखिल आडवाणीनि डायरेकशनआव दिहूनिजानाय बे 'भेदा' सावथुना एसेबां सानसिम

सुबुंफोरनि गेजेरव इम्पेक्ट खोखलैनायाव फेलें जादों। गामिनि बेकडूपआव बानायजानाय 'भेदा' आ मोनसे एक्शनजों बुंफबनाय ड्रामा सावथुन। 'स्त्रि-2' नि 'जना' एबा अभिषेक बेनार्जोआ बे सावथुनाव भिलेननि फाव दिन्थिदों। बबेखानि, जन आब्राहामआ बक्सिं कच अभिम्यु कम्बरनि बिफाव होदों। शरबरि बाधआ बै हिन्जावसनि फाव दिन्थिदों, जायनि सिमांआ गिदिरि आरो जाय अभिमन्युनि सापर्टजों गावनि सिमांफोरखौ



आबुं खालामानानै गामिनि गोरेश्वि आइनिन बेरेखा बुडे।

बे फ्लर्टआव बानायजानाय 'भेदा' सावथुननि समबारनि

कालेकशनखौ नोजोर होयोब्ला, बेयो छुट्टिनि सान रबिबानिखुडबो

इउएनआ लैथोमानि बारायनाय बिदुंखौ लानानै सांग्रांथि होदों

इउएन, 27 आगस्ट: इउएननि सेक्रेटारि एन्टनिय गुटेरेसआ हादतनि सुबुंफोरसो लैथोमानि बारायनाय बिदुंखौ लानानै सांग्रांथि होदों। एन्टनिय गुटेरेसआ बे समाव प्रशान्त लैथोमानि ओन्सोलाव थानाय टंगानि मोनसे प्रसान्त लैथोनि फरामआव बाहागो लानानै दड। मंगलबारखालि गुटेरेसआ बुंदोंदि, प्रशान्त लैथोमायाव लैथोनि बिदुंख मुलुगनाडै नो हमादनायाव थाम गुन बारायगासिनो दड। अदेबानि बिथाडा बेखौबो बुंदोंदि, बेवहाय लैथोनि बिदुं बारायनाया आबादारिफोरनि सायावबो गोथौ



गोहोम गोग्लैगासिनो दड। इउएननि जेनेरेल सेक्रेटारि एन्टनिय गुटेरेसआ खौरां गिरफोरजे' सावरायरायलायनायनि गेजेरजों गहाय रिपर्टनि सायावबो नोजोर होदों, जेराव मिबथिहोदोंदि,

खोला-सोनाव प्रशान्त ओन्सोलाव लैथोनि दै बांनयजों बांसिन गोहोम गोग्लैदों। माखासे जायगाफोरव बे बांनया थानाय 30 बोसोरनि गेजेराव मुलुगाआरि एभरिस्टनिफ्राय नै गुननिफ्रायबो बांसिन।

जास्टिन ट्रुडनि मोनसे थांखिया भारतयारिफोरखौ जिंगायाव खोख्नैदों



गोदान दिल्ली, 27 आगस्ट: कानाडा सरकार मोनसे औरैबायदि थांखि लादों, जायजों बेयाव थाग्रा भारतयारि सुबुंफोरनि जेनाया बांगोन। जास्टिन ट्रुडआ थानाय समबारखालि फोसावोदि, कानाडायाव अरायथा नडै महरै साखि मावग्राफोरनि अन्जिमाखौ खम खालामनाय जागोन। बे थांखिया थोङेडै बेयाव खामानि मावबाय थानाय भारतयारि लाइमोनफोरनि सायाव गोग्लैगोन। गोबां अन्जिमानि भारतयारि फरायसाफोय बेयाव

गावबा-गावनि जिउखौ खानो थाखाय साखि मावयो। पिएम जास्टिन ट्रुडआ सशेल मिडिया प्लेटफर्म एक्सयाव लिरोदि, जों कानाडायाव खम बेतन मोनग्रा अरायथा नडै गुबुन हादतयारि लेभारफोरनि अन्जिमाखौ खम खालामगासिनो दड। हादतनि लेबार मार्केटआ गोबां सोलायाबाय। आधिखालाव जॉनि कम्पनीफोर कानाडानि लेभारफोर आरो लाइमोनफोरनो बांसिननिफ्राय बांसिन साखि होनायनि समा फैबाय। रिपर्टनि

बायदिल्ला, 2024 नि आगस्ट जोबजासिमाव कानाडायाव भारतयारिफोरनि अन्जिमाया 20 लाखसिम सौहैनो हागो। थानाय 2022 आव सा 118,095 भारतयारिफोरा कानाडायाव अरायथा नोजोरारि जादों। बेरा फारसे, सा 59,503 सुबुंफोरा कानाडानि नोजोरारि जादों। 2024 नि गिबि 3 दानाव कानाडाया सा 37,915 गोदान भारतयारिफोरनो अरायथा नोजोरारि गनायथि होदों, जाय 2023 नि गिबि 3 दाननि रुजुनायाव सा 8,175 खम। कानाडायाव बांसिन गुबुन हादतयारि भारतयारिफोरा सिख, जायफोरा बेयाव फिसा-फिसौ फालांगि आरो कम्पनीफोरव खामानि मावयो। फारसेथं ट्रुड सरकारा खालिस्तान मदतगिरिफोरखौ हेफजाब हेबोब्याय थदों। बेफारसे बे थांखिजों भारतनि जिंगाया बांगोन।

सुपार 30 नि आनन्द कुमारखौ करियान टुरिज्मनि ब्रेन्ड एम्बासाडर खालामबाय

सिधल, 27 आगस्ट: सुपार 30 नि गाइसनगिरि आनन्द कुमारखौ खोला करियाआव करियान टुरिज्मनि मानगोनं थान्दै महरै सायख'बाय। आनन्द कुमारखौ करियाआव गोखौ बरायो आरो करिया टुरिज्म अर्गनाइजेशन (के टिअ) नि मावख' सेग्ये आरअ, भन्जु-सिआव मोनसे फोर्बानि समाव बिथांखौ समायखिरा लाहोयो। बे खाबुआव हकजु लीआ बुडोदि, आनन्द कुमारआ समाजनि उन जाना थानाय थाखोफोरनि फरायसाफोरनि थाखाय गोबां खामानि मावबाय। बेनिखायनो भारत आरो करियाआव बिथांखौ बयबो अन्सायो। बिथाडा गावनि मोजां हावा मावफुंनयनि थाखाय करियान टुरिज्मनि ब्रेन्ड एम्बासाडर सायख'थो। केटिअनि हाबाफारि मावग्रा लेडाइ आफादगिरि हकजु लीआ बुडोदि, बेनि थांखिया बे खाबुनि थांखिया



भारत आरो करियानि लाइमोनफोरनो गावजों गाव मिबथिन्त्यायनाय, हारिमु, सोलौंथाइ आरो गोबां आयदाफोरव बुजिलायनायनि थाखाय दरनैबो हादतनि जौगाखांनय आरो आबु हेफजाबआरि जानायाव गावजों गावनि फोनांजाबखौ बांहोनाय। करियाआव जानाय हाबाफारियाव आनन्द कुमारनि बिजाब सुपार 30 नि सायाव सावरायो। बे बिजाबखौ करिया रावआव राव सोलायनाय जादों। हाबाफारियाव

गोबां गोहो-गोरा आरो फरायसाफोरा बाहागो लानायखौ नुनानै आनन्द कुमारआ बुडोदि, हाबाफारियाव लाइमोनफोरनि गोखों फिनजाथाइखौ नुनो मोन्दों आरो बेजों बिथाडा गावखौनो भारतआव थानायबायदि मोन्दांथिदों। बिथाडा सुपार 30 खौ करियाआव एसेबां अन्साइगोन होन्ना सानाखैमोन आरो एसेबां गोबां सुबुंफोरा बे बिजाबखौ फरायनाय नुना बिथांआ जोबोद गोजोन्नाय फोरमायदों।

बान्दो गेबुनानै साब्जा सुडानआव दर 20 गामिफोर सिलिंखार, सा 30 जिउ गोमादों

अबार्ट, 27 आगस्ट: सुडानआव बान्दो बायनायनि जाहोनाव गोखों सिलिंखार फेदों। थाद'नाय गैयै अखा हानायनि जाहोनाव बान्दो बायनानै दर 20 गामिफोरव गोबां ख'हा जायो। खौरां मोन्नायसिमाव सा 30 सुबुंफोरनि जिउ गोमायो। इउएननि बायदिल्ला, थैनाय अन्जिमाया बायनायनि आसा दड। बे गिदिर जाब्रबथाइया सान्जा सुडानआव जादों। थाद'नाय गैयै गोबां अखा हानायनि जाहोनाव पर्ट सुडाननिफ्राय 40 कि: मि: गोजानाव थानाय अबार्ट बान्दोआ बायलाडो। बेनि जाहोनाव राजथावनि पर्ट सुडानआव सुबुंफोरा गोदान



सेलेन्सजों मोगा-मोगि जानाडो। रेड सि स्टेटनि दै सामलायथाइनि गाहाइ उमर इसा हारुनआ मावफारियाफोरनो हरनाय वाटसएफ मेसेजआव बुंदोंदि, मोब्लिब आरो दैनि पाइपफोरा ख'हा जादों। बे

जाथायाव, 150-200 सुबुंफोरा गोमादों। बान्दो बायना दै बाना जानायजों सिलिंखार जानाय सना जावखांग्राफोरनि गोथै सह' आरो बिसोरनि आइजे-आयलाफोरनि बायनाय थुखाफोरखौ नुनो मोन्दों।

बिथाडा बे खैफोदखौ थानाय बोसोरनि सेप्टेम्बरआव सान्जा लिबियानि सहर डर्नाआव जानाय सिलिंखार खालामलानाय जाथाइजों रुजुदों। इउनिन जायगायारि

बिबानगिरिफोरनि गथाइनाय खौरांजों फोरमायोदि, दै बानाजों 50,000 सुबुंफोरनि न'आव गोहोम गोग्लैदों। मख'जाथावदि, सुडाननि सांथि आरो पेरामिलिट्रिपिड फर्सेजनि गेजेराव एप्रिल 2023 आव दावहा जागायनायनि सिगांनो सुडाननि बान्दो, लामा आरो दालांआ गात्रि जाखानायमोन। बेनिप्रयनो मोननैबो हान्जाया गावसोरनि बांसिन जोन्थोरफोरखौ दावहायाव बाहायो। बेजों गुदि बिथा गात्रि रोखेमे

प्रशान्त लैथोमायाव ग्लेसियार गलिनायजों लैथोमानि दैया बांबोगासिनो: रिपर्ट



जेनेभा, 27 आगस्ट: ग्लबेल वार्मिनि जाहोनाव बुहुमनि सा बाहागोनि बिदुंख लान्थियै बांबोदों। बेनि जाहोनाव बुहुमाव बिदुं एबा गरमआ बांबोगासिनो, जायजों ग्लेसियार एबा बरफ दामोलआ गलिलानो हमादों आरो लैथोमाफोरनि दैनि बिबाडा बांबोगासिनो थदों। बेनि बिदुंख इउएननि मुलुगनां बोथोर बिगियान फसंथान वर्ल्ड मेथियर'लजिके ल अर्गनाइजेसनआ फोरमायदोंदि, प्रशान्त लैथोमानि देनि बिबाडा मुलुगनां जौखोन्दोनिफ्राय बांसिन जाबोगासिनो। बेजों गाहाइ द्वीपयारि हादरफोरनि गिदिर हा बाहागोआ

गोदोलानायनि खैफोद साग्लोबफेदों। मुलुगनां थाखोआव लैथोमानि दैआ गोखौ बांबोगासिनो। जिबाशम एबा बायलजि इन्धनफोरखौ लान्थियै सावनायजों बांबोगासिनो थानाय बुहुमनि बिदुंनि जाहोनाव गोहो गोरा आरो रोजा बरफनि अन्थायफोर गलिनी हमादों। लैथोमाफोरव दैनि बिबाडा बांबोगासिनो दड, जायनि जाहोनाव लैथोमायारि बोरिमाफोराव जेब्लायबो दै बाना जायो। बिगियानगिरिफोरनि बादिब्ला, बोथोर सोलायनायनि जाहोनावबो दै लोमसावनाय बायदि जाथायफोरा बांसिन जानो हमादों।

बानाया बोसोरफोरमबो 3.4 मि:मि:मोन। डब्लिउएमअनि गाहाइ नेहाथारि सेलेस्टे साडल'आ टंगायाव मोनसे फरामआव ओन्सोलायि बोथोर रिपर्ट 2023 खौ फोसावनाय समाव होनाय फोरमायथिआव बुंदोंदि, सुबुंफोरा हाबा मावनायफोर जौखौ फोथानानै लाखिनो आरो रैखाथि होनायनि लैथोमाफोरनि गोहोखौ लोरबां खालामबाय आरो जों लैथोमानि थाखोआव एबा बेनि दैनि बिबाडा बांनयनि गेजेरजों मोनसे जिउनां थानो गोनां लोगोयारि सोमोन्दोखौ खैफोदआव लांगसिनो दड। बेराफारसे 1980 माइथायनि उननिफ्राय बे लैथोमाफोरनि दैनि बिबाडा बांबोगासिनो दड, जायनि जाहोनाव लैथोमायारि बोरिमाफोराव जेब्लायबो दै बाना जायो। बिगियानगिरिफोरनि बादिब्ला, बोथोर सोलायनायनि जाहोनावबो दै लोमसावनाय बायदि जाथायफोरा बांसिन जानो हमादों।

मांकीपक्सखौ हेबथानो थाखाय डब्लिउएडसअआ बिथांखि जागायदों



जेनेभा, 27 आगस्ट: एम पक्स इन्फेक्सनआ आधिखालाव बांसिनै गोसारनो हमादों। बेनि गोसारनायखौ नोजोर होनायने वर्ल्ड हेल्थ अर्गनाइजेसन (हु) आ समबारखालि 6 दाननि बिथांखि जागायो। बिथांखिनि गेजेरजों आझावनाय थांखिफोरव एम पक्सजों गोहोम गोलेनाय हादरफोरव मावसुमाफोरनि अन्जिमाखौ बांहोनाय, नोजोर लाखिनाय, होबथानायखौ बांहोनाया दंफायो। डब्लिउएडसअआ हमादोंदि, यजनानि थाखाय 13 कौटि 50 लाख आमेरिकान डलार फान्डीनि गोनांथि जागोन। हुनि गाहाइ बिथोनगिरि ट्रेडस अधानाम गब्रेससाआ बुडोदि, कांग आरो गुबुन हादरफोरव एम पक्सनि गोहोमखौ होबथानो हागोन। कांगआव बे भाइरासनि गोहोम गोसारनायनि उनाव डब्लिउएडसअआ बे दानआव एम पक्सनि थासांरिखौ फिन मुलुगनां राइज्योयारि देहा इमार्जेन्सि फोसावदों। थानाय बोसोरनैआव एम पक्सखौ वर्ल्ड हेल्थ इमार्जेन्सि फोसावनाया खेबनै जाबाय। बेनि सिगां जुलाइ 2022 आव एम पक्सखौ वर्ल्ड इमार्जेन्सि फोसावनाया जादोंमोन। आफ्रिकानि बेराम सामलायग्रा मिरुआ फोरमायदोंदि, बृहस्पतिबारसिमआव दर 12 आफ्रिकान हादरफोरव देग्लाय 21,300 नि बांसिन आरो सा 590 सुबुंफोरनि जिउ गोमादों। एम पक्स इन्फेक्सनआ गोसांरा बेराम। बेनि लोखोनफोरनि गेजेराव शिथर बेरनाय, फलन्त गाराइ जानाय, लोमजानाय, मोदोम दुंखावनाय बायदिआ दंफायो।

अल-कायदानि उदखारिफोरा बुकिना फासआव सा 100 सुबुंफोरखौ गावथारदों

आबुजा, 27 आगस्ट: मिरुआरि बुकिना फासनि मोनसे गामियाव अल-कायदाजों सोमोन्दो थानाय उदखारिफोरा गाग्लोबदों। उदखारिफोरनि बे गाग्लोबनायाव खमैबो सा100 गामियारि आरो रौनियाफोरा जिउ गोमादों। सासे रौंगसाया गाग्लोबनायजों सोमोन्दो थानाय भिडिअखौ मोजाडे आनजाद नायनायनि उनाव बे फोरमायथिखौ होदों। बे गाग्लोबनायखौ बे बोसोराव दावराव-दावसिजों खहा जानाय बुकिना फासआव बयनिखुइबो गिखंथावसिन गाग्लोबनायनि गेजेराव मोनसे होन्ना बुनाय जादों। मोनसे



रैखाथि थिक टेंक, सौफान सेन्टारनि सासे गागि बिजिरसंगिरि वासिम नासरआ बुंदोंदि, राजथावनि औगादौगनिफ्राय 80 किल'मिटर गोजानाव थानाय

बारसाल कम्पुननि गामियारिफोरा रैखाथि परट आरो गामिफोरखौ रैखाथि होनो थाखाय रैखाथि हान्जाफोरखौ ट्रेन्स जावनायाव मदत खालामगासिनो दंमोन। नासरनि

बायदिल्ला, अल-कायदाजों सोमोन्दो थानाय जमात नुसरत अल-इस्लाम अल-मुस्लिमीन (जे एनएम) हान्जानि उदखारिफोरा गामियाव गुलि गावदों। अल-कायदाया

रबिबाराव (25-08-2024) गाग्लोबनायनि बिबान लाना मोनसे बिबुंथि फोसावदों। बे हान्जाया काया सहरनि बरसलष'आव मोनसे रौनिया चेकपइन्टनि आबु सामलायथिखौ मोनो हादोंमोन होन्नाबो दाबि खालामदों। कायाया मोनसे दावहायारि आदबजों गोनांथार सहर, जेराव रैखाथि हान्जा आरो उदखारि हान्जाफोरनि गेजेराव औगादौगुखौ सामलायनो नाजानाय गोबां दाखबाजि नुनो मोन्दों। नासरआ बुंदोंदि, गाग्लोबनायनि भिडिअआव खमैबो सा 100 गोथै सहफोरखौ सान्नाय जादों। भिडिअफोराव सिलायनि सोदोबनि गेजेराव ट्रेन्स आरो फान्दाफोरनि खाथियाव गोथै सह'नि थुधुर गोग्लैना थानाय नुनो मोन्दों। बुकिना फासनि रैखाथि मन्थि महामादु सनाया रबिबाराव बुंदोंदि, सरकारआ गाग्लोबनायनि सायाव गोखोडे फिन्नाय होदोंमोन। बिथाडा गाग्लोबनायाव थैनाय सुबुंफोरनि नंगुबै अनजिमाखौ फोरमायाखे नाथाय थैनायफोरनि गेजेराव रौनियाफोर आरो नोजोरारिफोरबो दंमोन होन्ना बुदों।

रिफिउजिफोरनि केम्पआव इजराइलनि गाग्लोबनायजों सा 5 सुबुंफोर थैदों

तेल अभिब, 27 आगस्ट: वेस्ट बैंक केम्पआव इजराइलनि गाग्लोबनायाव सा 5 फिलिस्तानीफोरनि जिउ गोमानायनि खौरां मोन्नाय जादों। फिलिस्तानी सावसि मावख'था बुंदोंदि, वेस्ट बैंकिन नुर शम्स रिफिउजि केम्पआ इजराइलनि समबारव गाग्लोबनायाव सा 5

जिउ गोमादों। फारसेथिं पेन्टगननि बुनाय बायदिल्ला, इरान आरो बेनि हेफजाबगिरिफोरनि हान्जाया इजराइलआव गाग्लोबगोन सन्देह' जाना दड। मख'जाथावदि, हिजबुल्लाया गावनि सासे गागि कामान्डारखौ बुथारनायनि



खिथेर लाना इजराइलआव गोबां रकेट आरो डूनजों गाग्लोबदोंमोन। पेन्टगननि बुंथिगिरि एयार फर्सनि मेजर जेनेरेल पेट्रिक राइडारआ खौरांगिरिफोरनि सिगाडाव गाग्लोबनायनि सन्देह' एबा खैफोदआ दासिमबो दड। इजराइलआ रबिबाराव

लेबनाननि प्रक्सि हिजबुल्लाहायाव 100 जेट उरांजों गाग्लोबदोंमोन। हिजबुल्लाहआ गिदिर गाग्लोबनायनि यजना लादोंमोन होन्नाइजराइलआ बुंदों। इजराइलनि सान्थ्रनि चिफ अफ जेनेरेल स्टाफ हाज्जी हालेविया बुडोदि, गावसोर

हिजबुल्लाहनि गोहोफोरखौ खम खालामनो आरो बांसिन कामान्डारफोरखौ खम खालामनायाव नोजोर होदों। गावसिनि मिशनआ साहाथिनि थागिबिफोरखौ बिसोरनि न'आव रैखाथियै थाहैफिन्नायाव नोजोर होयो।

इउएस अपेनआव भारतनि माखासे गेलेगिरिफोरा अन्सायगिरिफोरनि मिजिंखौ लाखिनो हागोन ना ?

गोदान दिल्ली, 27 आगस्ट: टेनिसनि मोनड्रै गाहाइ ग्रेन्डस्लेमफोरनि गेजेरव जोबथा थामहिनबा इउएस अपेनआ 26 आगस्टनिफ्राय जागायबाय। बे खेबआव भारतनि साब्रै बादायारिफोरा बे दुनामिन्टआव बाहागो लादों। बेनि गेजेरव हौवाफोरनि हासि बादायनायाव सुमित नागलआ जांरिमिन सोरजिनो ओंखारदों। नागलआ बे खेबआव गावनि ब्रैथि ग्रेन्डस्लेम बादायनायाव बाहागो जागोन। बिथाडा 2019 नि बेबादि बाहागो लानाय भारतनि गिबिसिन गेलेगिरि जाबाय। जाउनाव भारतनि अन्सायगिरिफोरा बिथानि सायाव जर'खायै नोजोर लाखिदों। नागलआ सोलिफु समाव एटिपि रिकंआव 73 थि मासिआव दड। बिथाडा नेडारलेन्डिन टेलन ग्रीक्सपुरनि हे'थायै गावनि गेलेनायखौ जागायदों। जेराव टेलनआ रिकंआव 40 थि मासिआव दड। सोलिफु बोसोरव



नागलआ अस्ट्रेलियन अपेनआव मोजाडै दिन्थिफुनायजों नैथि राउन्डआव सौहैदोंमोन। नाथाय फ्रेन्स अपेन आरौ उडम्बलडनआव गिबि राउन्डआवने जेनादों। पेरिस अलिम्पिकआवबो बिथाडा गिबि राउन्डनि सेलेन्जखौनो बारनायाव फेलें जादों। बेबादि थासरिआव नागलआ इउएस अपेनआव गोदान रोखोमै दिन्थिफुनो नाजागोन। हौवाफोरनि जावजायाव भारतनिफ्राय साथाम गेलेगिरिफोरा

बाहागो लादों। रहन बपना, इउकी भाम्बरी आरौ एन श्रीराम बालाजीआ मोजाडै दिन्थिफुनो नाजागोन। बिसोर साथामबो गुबुन गुबुन केटेरिआव गुबुन हादरयारि गेलेगिरिफोरजों जरा जागोन। जेराव हौवाफोरनि जावजा बादायनाया 28 आगस्टनिफ्राय जागायगोन। सोलिफु इउएस अपेनआव नागल आरौ गुबुन गेलेगिरिफोरनि बाहागो जानाया टेनिसआव जर'खा मिजिं आरौ गोग्गाथाव थासरि लाबोदों। इउएस अपेन 2024 आव भारतनि हौवाफोरनि जावजा गेलेगिरि आरौ बिसोरनि लोगो गेलेगिरिफोरनिफ्राय गोबाडानो मिजिंथि लादों।

बिथानिफ्राय मिजिंथि लादों। इउकी भाम्बरिआ फ्रान्सनि अल्बान अलिभेटिजों जययाव गेलेगोन। एन श्रीराम बालाजीआ आर्जेन्टिनानि गुइड एन्ड्रुजिजों गावनि खाफालखौ अन्जाद नायगोन। जेराव हौवाफोरनि जावजा बादायनाया 28 आगस्टनिफ्राय जागायगोन। सोलिफु इउएस अपेनआव नागल आरौ गुबुन गेलेगिरिफोरनि बाहागो जानाया टेनिसआव जर'खा मिजिं आरौ गोग्गाथाव थासरि लाबोदों। इउएस अपेन 2024 आव भारतनि हौवाफोरनि जावजा गेलेगिरि आरौ बिसोरनि लोगो गेलेगिरिफोरनिफ्राय गोबाडानो मिजिंथि लादों।

नागलआ इउएस अपेनआव जेन्नायजों मोगा- मोगि, कक गफआ नैथि राउन्डआव



गोदान दिल्ली, 27 आगस्ट: भारतनि टप गेलेगिरि सुमित नागलआ इउएस अपेननि जागायजेन्नाय राउन्डआवबो नेडारलेन्डिन टेलन ग्रीक्सपुरजों थोंजों सेटफोराव जेन्नायनै हौवाफोरनि सिंगेल इभेन्टिफ्राय जायखारनाबाय। बे समाव नागलआ गावनि गिबि साभिसखौ रैखाथि होनायाव फेलें जानाई प्रिक्सपुरजों 1-6, 3-6, 7-6(8) स्करआव जेन्नायदों। नाथाय साभिसयानि नभाक जकभिचआ नाडु एल्बार्टनि हे'थायै 6-2, 6-2, 6-4 स्करआव देहानानै नैथि राउन्डआव सौहैयो। नागलआ 2

घन्टा 20 मिनटसिम सोलिनाय बे मेचआव बेरेखा बादायारिनि साभिसखौ खेबनै सिफायदोंब्लाबो नेडारलेन्डिन गेलेगिरिआ ब्रेक पइन्टनि खेब 11 खाबुफोरनि गेजेरव खेब 6 नि मुलाफ्फा लादों। बे समाव 27 बोसोरनि नागलआ गावनि मोजा फर्मखौ लाबोनो नाजानायाव जावले-जावले गोरौथि खालामदों। नैथि सेटआव नागलआ 3-5 स्करजों उन जादोंब्लाबो मोजाडै दिन्थिफुनानै देहानाय साखाथियाव सौहैदोंमोन। नाथाय बिथाडा उननि समाव बे फर्मखौ लाखिलानायाव फेलें जाहैदों। नागलआ बे खेबआव

हौवाफोरनि डबलआव सेलेन्ज होगोन। जेराव भारतनि रहन बपना, इउकी भाम्बरि आरौ एन श्रीराम बालाजीआबो गुबुन हादरनि जरा गेलेगिरिफोरजों सेलेन्जआव ओंखारसोन। सोलिफु आमेरिकानि आइजो सेम्पियन कक गफआ थोंजों सेटफोराव देहानानै गावनि बिमुंखौ रैखाथि होनो नाजादों। गफआ गिबि राउन्डनि मेचआव बबरबा ग्रेसेभाखौ 6-2, 6-0 स्करआव फेजेन्नाय गावनि गात्रि फर्मखौ बिदाइ होदों। बिथाडा मेचनि उनाव गावनि दिन्थिफुनायखौ लानानै गोजोन्नाय फोरमायदों। आमेरिकानि गुबुन सासे गेलेगिरि 13 थि रिकंनि बेन सेल्टनआ 2020 नि सेम्पियन डमिनिक थिएमखौ 6-4, 6-2, 6-2 स्करआव फेजेन्नाय अपेननि गिबि राउन्डआव 2017 नि सेम्पियन स्लएन स्टिफेन्सआ क्लारा ब्लुलेनि हे'थायै जागायजेन्नाय खेब 9 साभिसखौ देहादोंब्लाबो उननि समाव फर्मखौ लाखिलानायाव फेलें जानायाजों 0-6, 7-5, 7-5 स्करआव जेन्नाडे। 9 थि रिकंनि मारिया सकारिआ बे समाव आगद आखाथिआव जोखोमिनि जाउनाव खेबसे सेटनि उनावनो मेचनिफ्राय जायखारनादों।

डमिनिक थिएमआ जोबथा ग्रेन्डस्लेमआव जेन्नायजों मोगा-मोगि



वाशिंग्टन, 27 आगस्ट: गावनि केरियारनि जोबथा ग्रेन्डस्लेम गेलेनाय अस्ट्रियानि डमिनिक थिएमआ सोलिफु इउएस अपेननि गिबि राउन्डआव जेन्नायदों। बिथाडा आमेरिकानि बेन सेल्टनजों थोंजों सेटआव 4-6, 2-6, 2-6 स्करआव जेन्नादों। जेराव बिथामोननि बादायनाया 50 मिनटसिम सोलिदोंमोन। 30 बोसोर बैसोनि थिएमआ जेन्नायनि उनाव गावनि बे मेचखौ जर'खा मोन्दाथिनाय फोरमायनानै बे समाव दुखुनाथाव थासरिनि बार बारनायखौ फोरमायनानै गावनि

जोबथा खेब कर्टआव गेलेनो मोन्नायखौबो गोजोन्नाय फोरमायदों। सिगां समावनो आजिरा फोसावनाय थिएमआ इउएस अपेनखौ गावनि सिजननि जोबथा ग्रेन्डस्लेम जागोनखौ रोखा खालामदोंमोन। जेराव थिएमआ जोबथा खेब 2020 आव बे ग्रेन्डस्लेमखौ देहादोंमोन। आर्थर एस स्टेडियमआव वाइल्ड कार्ड हल्डार महै गेलेनाय आमेरिकानि उनाव गावनि गिबि सेटनिफ्रायनो गोहोम गोनाडै दिन्थिफुदों। गिबि सेटखौ 6-4 स्करआव देहानायनि उनाव बिथाडा नैथि आरौ थामथि



देहानायनि अनगायै थानाय वर्ल्ड सेम्पियनसिपआवबो सनानि मेडेल देहादोंमोन। अन्तिलनि उनाव सुहास यतिराजआबो मोजा फर्मआव दड। बे डमिनटननि फोथारआव मुलुगनि नम्बर 1 आरौ टकिय पेरालिम्पिकआव रुफानि मेडेल देहानाय सुहासआ एसियान गेम्सआव सनानि मेडेल देहादोंमोन। बे खेबआवबो सुहासआ मेडेलनि थाखाय गोखों सेलेन्ज होनो नाजागोन। थामथि नम्बरआव अभानी लेखरनि मुडा जायगा मोनो। शुटिआव लेखरआ अन्सायगिरिफोरनि नोजोरव मिजिंथि लाबोदों। बिथाडा ह्युइल

सियारआव थायोब्लाबो गावनि सिमानि थाखाय नाजानायखौ गाराखै। टकिय पेरालिम्पिकआव गनै मेडेल देहानाय अभानीआ 10 मिटर एयार इफ्लआव सना आरौ 50 मिटर थ्रि पजिसन रेकडआव ब्रन्ज मेडेल देहादोंमोन। बेनि अनगायैबो वर्ल्ड काप 2022 आव गनै सनानि मेडेल देहानाय 22 बोसोर बैसोनि अभानीआ पेरिस पेरालिम्पिकआव सनानि मिजिंथि लाजानानै दड। ब्रैथि नम्बरआव मरियापन थांगाभेलुआ मिजिंथि लाजानानै दड। 29 बोसोर बैसोनि मरियापनआ टकिय आरौ रिय पेरालिम्पिकआव मेडेल

देहानायनि अनगायैबो सोलिफु बोसोरनि वर्ल्ड सेम्पियनसिपआवबो सनानि मेडेल देहादोंमोन। बिथाडा थानाय खेबआव 1.69 मिटर बारनायजों सनानि मेडेल देहादोंमोन। बेबादिनो टेबल टेनिस गेलेगिरि भाभिना पाटेलआबो मेडेलनि थाखाय जान्जि खाफ्रानानै दड। बिथाडा कमनवेल्थ 2022 आव सना आरौ एसियान गेम्स 2022 आव ब्रन्ज मेडेल देहादोंमोन। थानाय सिजनआव भाभिनाआ गिबियै पेरालिम्पिकआव मेडेल देहाजेन्नादों।

स्तर गेलेगिरि प्रनयआ गेलेनायनिफ्राय हरखाबै ब्रेक लादों



गोदान दिल्ली, 27 आगस्ट: भारतयारि हान्जानि स्तर बेडमिन्टन गेलेगिरि एडसएस प्रनयआ सोलिफु समाव सिक्कगुनियाआव गोलैना दं। जाउनाव बिथानि देहायारि थासरिआ दिदोमआव गैया। बे थासरिनि थाखायनो प्रनयआ जानो गोनां माखासे दुनामिन्टफोरनिफ्राय जानगरआव थानो थिरांथा लादों। बेनि सोमोन्दै प्रनयआ गावनि ससेल मिडिया एक्सआव पट्टनि गेजेरजों रोखा खालामदों। सोलिफु सेम्पियन नभाक जकभिच आरौ आलेक्जेन्डर ज्वेरेभआबो गावसोरनि गिबि राउन्डखौ देहाबाय। साभिसयानि स्तर जकभिचआ माल्दिवानि राडु एल्बतखौ 6-2, 6-2, 6-4 स्करजों फेजेन्नाय। बे समाव 2020 आव कालानाय इउएस अपेननि रनासंअप जार्मनिनि ज्वेरेभआ गावनि हादरनिनो मेक्सिमिलियन माट्टेनखौ 6-2, 6-7(5-7), 6-3, 6-3 स्करआव फेजेन्नायमोन। भारतनि स्तर सुमित नागलआ नाथाय बोसोरनि जोबथा गेलेनाय गिबि राउन्डआवबो नेडारलेन्डिन टेलन ग्रीक्सपुरजों जेन्नायजों मोगा-मोगि जानादों।

शिलं लार्जखौ फेजेन्नाय नर्थ-इस्ट इउनाइटेडआ इरान्ड कापनि फाइनालाव

शिलं, 27 आगस्ट: नर्थ-इस्ट इउनाइटेडनि हान्जया शिलंनि जवाहरलाल नेहरु स्टेडियमआव गेलेनाय डुरान्ड कापनि मेचआव शिलं लार्जखौ 3-0 गलआव फेजेन्नाय फाइनालावआव सौहैबाय। आइलेन्डसआव जोबथा बुब्लिआव उन जानाय उनाव गिबि खेब फाइनालाव जायगा आवग्रिदों। बे मेचआव शिलं लार्जनि हान्जया जागायजेन्नाय समाव नख'रारि नायगिरिफोरनि गेजेरव मोजाडै दिन्थिफुदोंमोन। जेराव ओन्सोलारि नायगिरिफोरा नख'रारि हान्जानि थाखाय फारफोमिथिनिफ्रायबो थुलुगा हरदोंमोन। लार्जनि हान्जया मेचनि 27 मिनटआव गल सोनायनि साबसिन खाबु मोन्दांमोन। मानोना हान्जानि वाडाजिद किन्साइआ बे समाव शट होनायनि खाबु मोन्दांमोन। नाथाय नर्थ-इस्ट इउनाइटेडनि गल कियार गुरमितआ बेखौ रैखाथि होदोंमोन।



नाथाय बेनि 5 मिनट उनावनो माखासे जेना नुजाथिदों। मानोना रेफारिआ बे समाव अफसाइडनि थाखाय गलखौ इनभैलिड फोसावदोंमोन। नाथाय नर्थ-इस्ट इउनाइटेड एफसिनि केपेन मिगुएल जाबाक'आ हान्जानि थाखाय गल सोनानै स्करखौ 2-0 आव आववाहोयो। बेनि उनाव शिलंनि हान्जया गिबि गलनि थाखाय गालोबनायखौ जागायफिन्दोंब्लाबो नर्थ-इस्ट इउनाइटेड हान्जया डिपेन्सआव मोजाडै दिन्थिफुदों।

आइजोफोरनि टी-20 वर्ल्ड कापनि हान्जाखौ हरमनप्रीट कौरआ दैदेनगोन



गोदान दिल्ली, 27 आगस्ट: आइजोफोरनि टी-20 वर्ल्ड काप 2024 आ इउएडआव खुंजागोन। बेनि थाखाय भारतीय आइजो हान्जानि फारिलाइखौ फोसावनाय जाबाय। जेराव हरमनप्रीट कौरआ हान्जानि केपेन आरौ स्मृति मन्डनाआ लेडइ केपेननि थाखाय सायख'जादों। लाइमोन आरौ रंगथि गोनां गेलेगिरिफोरनि हान्जायाव बिसोर सानैआ हान्जाखौ दैदेनयाव जर'खा बिबान जागोन। आइजोफोरनि टी-20 बे वर्ल्ड कापआ सिगां समाव बालादेशआव खुंजानो गोनांमोन। नाथाय राजखानियायि जेनाखौ नोजोर होनानै आइसिसिआ बे दुनामिन्टखौ इउएडआव खुंफुनो थिरांथा लाफिन्दों। भारतनि हान्जायाव सानै उडकेट कियार फारियै यस्तिका भाटिया आरौ ऋचा घषआ जायगा मोन्दां। बेबादि समावनो भारतयारि हान्जायाव श्रेयका पाटेल आरौ यस्तिका भाटियानि बाहागो जानाया जेनायाव गोलैदों। मानोना श्रेयकाआ एसिया कापआव पाकिस्ताननि बेरेखायै गेलेनाय मेचआव आसिआव प्रेक्सर जानायनि थाखाय एसिया कापनिफ्राय जानखारनादोंमोन। बेनि उनाव यस्तिकाआ बालादेश दावबायनायनि थाखाय भारतनि हान्जायाव खेबसे खाबु मोन्दांमोन। नाथाय बिथाडाबो गिबि मेचआवबो जोखोमआव गोलैदों। बेबादि थासरिआव बिसोरनि बाहागो जागोनआ सन्देहआव गोलैयो। भारतनि टी-20 वर्ल्ड कापनि सायख'जानाय फारिआव बिथामोननि अनगायै शेफाली भर्मा, दिपति शर्मा, जेमिमा रीड्स, फुजा ब्रस्तकार आरौ रेनुका सिंह ठाकुरआबो जायगा मोन्दां। बिसोरनि अनगायै दयालन हेमलता, आशा सप्ता, राधा यादव, सजना साजिभन आरौ अरुनदति रेड्डिआबो सायख'जादों। भारतनि हान्जायाव रिजार्भ गेलेगिरि महै उमा शेत्रि, तनुजा पनवार आरौ साइमा ठाकुरआ जायगा मोन्दां।

महन बागान आरौ मुम्बाइ सिटिआ आइएसएल सिजनखौ जागायसिगोन

मुम्बाइ, 27 आगस्ट: इन्डियान सुपर लीग (आइएसएल) फुटबल लीगनि 2024-25 नि बादायनाय सिजनआ फे'गौ 13 सेप्टेम्बरनिफ्राय जागायगोन। जेराव जागायजेन्नाय मेचआव शिल्ड देहानाय हान्जा महन सुपर जइन्सजों आरौ काप देहानाय मुम्बाइ सिटि एफसिनि गेजेरव जागोन। थानाय सिजनआव फाइनाल बादायनाया महन बागान आरौ मुम्बाइ सिटि एफसिनि गेजेरव जादोंमोन। जानो गोनां आइएसएल सिजननि खेब 84 मेचफोरनि समफारिखौ थानाय सानथामसोनि सिगांनो फोसावबाय। जेराव सोलिफु बोसोरनि बे सिजनआ बोसोरनि जोबनायर्थि सोलिंलागोन। बेखेबजेन्नाय सप्ताहनि जोबनायाव थामहिनबा 14 सेप्टेम्बरआव गिबि खेब महै सानसेयावबो खेबनै मेच खुं गोन। जेराव गिबियाव चेन्नाइयान एफसिआ उरिया एफसिजों नख'रारि फोथारआवबो गेलेगोन जेराव गुबुन मोन्सेआव बेंगलुरु एफसिआ इस्ट बेंगलुनि सेलेन्जआव ओंखारगोन। बेनि



अखानायै केरेला ब्लास्टर्स एफसिआ कचिनि जवाहरलाल नेहरु स्टेडियमआव पान्जाव एफसिनि हे'थायै सेलेन्ज होगोन। हाइड्रावाद एफसिआ गावसिनि गिबि मेचखौ बेंगलुरु एफसिनि हे'थायै 19 सेप्टेम्बरआव गेलेगोन। नाथाय एफआइएफएफ क्लबाबआ हाइड्रावाद एफसिनि थाखाय लाइसेन्स गेलेगिरिखौ आबु खालामनायाव गेलेनो मोन्नाया रोखा जागोन। आइएसएलनि जानो गोनां बे सिजनआव मोन 13 हान्जाफोरा बाहागो लागोन। बे खेबआव आइ लीगनि सेम्पियन महम्मदन स्पर्टि क्लापआबो बाहागो लागोन। गोदानै बाहागो मोन्नाय आइएसएलनि बे हान्जाया 16 सेप्टेम्बरखालि नर्थ-

इस्ट इउनाइटेड एफसिनि हे'थायै गावसिनि न'नि फोथार कियार भारती किरंगनआव बाहागो लागोन। महम्मदन स्पर्टिआ बाहागो जानायजों कलकाटानि मोनथाम मुंदांखा क्लबाबफोरा बिमुनि थाखाय बादायगोन। जायनि फारिआव महन बागान आरौ इस्ट बेंगलुनि हान्जायाबो फारिआव फेयो। कलकाटा बर्डिनफ्राय 5 अक्कबरखालि महन बागान आरौ महम्मदन स्पर्टिनि गेजेरव जागोन। महन बागानआ 2023-24 सिजनआव 48 पइन्टजों जीसिन मान गोनां आइएसएल लीगनि शिल्डखौ देहादोंमोन। बेखेखानि लीग स्टेजआव नैथि मासिआव थानो हानाय मुम्बाइ सिटिआ नकआउटआव फाइनालाव बागानखौ फेजेन्नायबिमुंदेहादोंमोन।